



შირაკი

SHIRAKI

გამოცემის 1937 წლიდან
დედოფლისწყაროს მუნიციპალიტეტის გაზეთი

№ 35 (10.140)

28 სექტემბერი—5 ოქტომბერი 2024 წელი

ფასი: 60 თეთრი

ყოველკვირეული გამოცემა

სახალხო დღესასწაული „დედოფლისწყარო“ აღინიშნა

24 სექტემბერს სახალხო დღესასწაული „დედოფლისწყარო“ გაიმართა. კულტურის სახლის მიმდებარე ტერიტორია საზეიმოდ მოირთო, მოეწყო სპეციალური სცენა, გამოიყვინა ადგილობრივი მხატვრების ნამუშევრები. მთელი დღის მანძილზე მიმდინარეობდა საბავშვო - ბასართობი ღონისძიებები ანიმატორების და მოსწიარულე ორკესტრის მონაწილეობით. ბავშვები განსაკუთრებით გაართნენ „თამაშობანას“ მიერ მოწყობილ სივრცეში, სადაც პატარა მგობრებთან ერთად, საოცარი ბარამო კიდევ უფრო გააფარადას - მხიარულმა აქტივობებმა, სანტიარესო ვორკშოპებმა, ინტერაქტიულმა თამაშებმა ეს დღე კიდევ უფრო დაუვიწყარ მოგონებად აქცია.

ცოთ ყველას შესანიშნავი ქალაქის დღესასწაული, შემოდგომის დადგომა და გისურვოთ თითოეულ თქვენგანს სიკეთე, სიხარული, წყალობა ღვთისა და მშვიდობა, რაც ყველაზე მთავარია“. მეუფემ, რომელიც თავად საპატიო დედოფლისწყაროელის ტიტულის მფლობელია, დააჯილდოვა მუნიციპალიტეტის საჯარო სკოლების წარმატებული კურსდამთავრებულები. ოქროსა და ვერცხლის 37 მედალისანს წელს, დედოფლისწყაროს მუნიციპალიტეტის



დედოფლისწყაროელებსა და სტუმრებს მიესალმა დედოფლისწყაროს მუნიციპალიტეტის მერი ნიკოლოზ ჯანიაშვილი. „ეს დღესასწაული 2013 წლიდან აღინიშნება და უკვე ტრადიციად იქცა. წელს, ორჯერ გადაიდო დედოფლისწყაროობა, მაგრამ მთავარია, რომ ჩატარდა. ძალიან ლამაზი დღეა, უამრავი სტუმარი ჩამოვიდა და ყველა ბედნიერია. დღეს ბევრი სიურპრიზი გელით ყველას!“
ილია პაპიაშვილი, საქართველოს რეგიონული განვითარების მინისტრის მოადგილე, დედოფლისწყაროს საპატიო მოქალაქე: „დიდი სიყვარულით მინდა მივესალმო დედოფლისწყაროელებს, მეამაყება, რომ ჩემი ბავშვობისა და ახალგაზრდობის ბევრი დღე და მოგონება უკავშირდება დედოფლისწყაროს. გილოცავთ ყველას „დედოფლისწყაროობას“ და ბევრ ასეთ ლამაზ დღეს გისურვებთ!“
მაყუა თაოდორა: „მინდა მოგილო-

მერიისა და საკრებულოს გადაწყვეტილებით, ოქროს მედალის მფლობელებს გადაეცათ ფულადი ჯილდო 500 ლარის, ხოლო ვერცხლის მედალის მფლობელებს



- 400 ლარის ოდენობით.
წარმატებული დედოფლისწყაროელების ტიტული გადაეცათ: — **ეკა სავიაშვილს, ქ. დედოფლისწყაროს N1 საჯარო სკოლის ინგლისური ენისა და ლიტერატურის მასწავლებელს**, რომელიც სულ ცოტა ხნის წინ „მასწავლებლის ეროვნული პრემიის“ მფლობელი გახდა. „ეს ჯილდო არის მასწავლებლის შრომის აღიარება და დაფასება“ - აღნიშნა ეკა სეფიაშვილმა სამადლობელ სიტყვებში.
გიორგი გვიშვილს, ძიუდოსტს, რომელმაც რამდენიმე კვირის წინ ჭაბუკთა მსოფლიო ჩემპიონატის - 66 წონით კატეგორიაში ნეიტრალური დროში მოასპარეზე აბდულას პარჩიევი დაამარცხა და ოქროს მედალი მოიპოვა. ის სულ რაღაც 17 წლისაა და აპირებს, მსოფლიო ჩემპიონის ტიტული ხუთჯერ მაინც მოიპოვოს და ამდენჯერვე ააუფეროს საქართველოს ჰიმნი მსოფლიო მასშტაბით.
დედოფლისწყაროელებს სცენიდან

მიესალმა დავით სონლულაშვილი, მაჟორიტარი დეპუტატი საქართველოს პარლამენტში: „გილოცავთ დედოფლისწყაროობას - ამ მშვენიერ ტრადიციას და მიხარია, რომ წელსაც ზეიმობთ ამ დღეს. მიუხედავად იმისა, რომ „დედოფლისწყაროობის“ ჩატარება წელს გამოწვევა იყო, ის მაინც გაიმართა. ამ დღის მთავარი მოვლენა ხომ საპატიო დედოფლისწყაროელების გამოვლენა და დაჯილდოვებაა. პირველი საპატიო მოქალაქის გამოცხადების პატივი მე მხედა წილად“ — განაცხადა დავით სონლულაშვილმა და დედაქალაქში მოღვაწე წარმატებული ექიმი ზურაბ რობიტაშვილი სცენაზე მოიხმო.

დედოფლისწყაროს საპატიო მოქალაქის წოდება მიენიჭათ:
ზურაბ რობიტაშვილს — „ენმედიცის“ გენერალურ დირექტორს, ენდოკრინოლოგს, მოსახლეობის ჯანმრთელობის დაცვის საქმეში შეტანილი განსაკუთრებული წვლილისთვის;
ავთანდილ ალიკოშვილს — მშენებელს, დედოფლისწყაროს რაიონის აღმშენებლობის საქმეში შეტანილი წვლილისთვის;
სერგო ქართველიშვილს — არქიტექტორს, ეკლესია-მონასტრების მშენებლობაში შეტანილი განსაკუთრებული წვლილისთვის;
სათუხა აბლაძის — ექიმს, დედოფლისწყაროს საავადმყოფოს კლინიკურ მენეჯერს, მოსახლეობის ჯანმრთელობის დაცვის საქმეში შეტანილი განსაკუთრებული წვლილისთვის;
მაყვალა ნიკლაშის — კულტურის ღვაწლმოსილ მუშაკს, ზემო ქედის ქართული ხალხური სიმღერის გუნდის ლობტარს,
/გაგრძელება გვ. 8/



სათუხა აბლაძე

ავთანდილ ალიკოშვილი

ზურაბ რობიტაშვილი

„იმალი მაქვს სანქციები არ გვექნება“ — ლევან დავითაშვილი

დიდი იმედი მაქვს, არანაირი სანქციები არ გვექნება იქიდან გამომდინარე, რომ ჩვენ, მათ შორის საერთაშორისო სანქციების შესრულების ნაწილში, საერთაშორისო საზოგადოების აქტიური და პასუხისმგებელი წევრები ვართ, ამიტომ, გვექნება დიალოგი, რათა სტაბილური, მათ შორის საკანონმდებლო, გარემო უზრუნველყოფით, რაც ნეგატივს თავიდან აგვარიდებს, - ამის შესახებ საქართველოს ეკონომიკისა და მდგრადი განვითარების მინისტრმა, ვიცე-პრემიერმა ლევან დავითაშვილმა ჟურნალისტებს განუცხადა.

მისივე თქმით, ინვესტორების განწყობა „საკმაოდ პოზიტიურია“ და საქართველოს მიმზიდველი საინვესტიციო გარემო აქვს.

„ჩვენი ეკონომიკა სტაბილურად იზრდება. მიმდინარე წელს, პირველი 7 თვის განმავლობაში 9.7%-იანი ეკონომიკური ზრდა გვაქვს. ვფიქრობთ, რომ მალე ეკონომიკურ ზრდას შევინარჩუნებთ. ნახეთ, ADB-ის პროგნოზის კორექტირება-მათ გადახედეს ზრდისკენ საქართველოს ეკონომიკის ზრდას. ეს მოსალოდნელიც იყო. სხვა საერთაშორისო ორგანიზაციებშიც თანხმდებიან, რომ საქართველოში საშუალოვადიან პერსპექტივაში იქნება მალე ეკონომიკური ზრდა - 5.5%. ჩვე-

ნი მოლოდინია, რომ შეიძლება, უფრო მაღალიც იყოს. მაღალი ეკონომიკური ზრდა სხვა პარამეტრების სტაბილურობის შენარჩუნებასთან ერთად, მნიშვნელოვანია, რათა ქვეყანამ სახე იცვალოს უკეთესობისკენ და საქართველოში ცხოვრების დონე გაუმჯობესდეს. ამიტომ, პოზიტიური ეკონომიკური პროცესების შენარჩუნება ძალიან მნიშვნელოვანია.

რაც შეეხება ინვესტორების განწყობებს - ინვესტორების განწყობა საკმაოდ პოზიტიურია. მიმზიდველი საინვესტიციო გარემო გვაქვს. ამაზე დიალოგი მუდმივ რეჟიმში მიმდინარეობს. დღევანდელი პანელიც საინტერესო იყო და ბევრი პოტენციური ინვესტორი იყო. ამ შემთხვევაში კონკრეტულად ტურიზმის სექტორში, მაგრამ ასეთი ტიპის საერთაშორისო ღონისძიებებში აქტიურ მონაწილეობას ვიღებთ და გვაგრძელებთ მუშაობას. ბუნებრივია, ქვეყანაში სტაბილურობის შენარჩუნება გვჭირდება, რომ გარემო იყოს ისეთივე პროგნოზირებადი, როგორც ამ წლებში და ქვეყანაში გაგრძელდეს პირდაპირი უცხოური ინვესტიციები, რაშიც დარწმუნებული ვარ, იმიტომ რომ საქართველო მიმზიდველი საინვესტიციო გარემოს მქონე ქვეყანაა,“ - განაცხადა ლევან დავითაშვილმა.

ცესკოში პარტიული სია 19 პოლიტიკურმა გაერთიანებამ წარადგინა

საქართველოს პარლამენტის არჩევნებისთვის პარტიული სიების წარდგენის ვადა 26 სექტემბერს ამოიწურა. ცესკოს თავმჯდომარეს პარტიული სია სულ 19-მა საარჩევნო სუბიექტმა წარუდგინა.

ამის შესახებ ინფორმაციას ცენტრალური საარჩევნო კომისია ავრცელებს.

მათი ცნობით, ცესკოს შესაბამისი სამსახურის მიერ პარტიული სიების შემოწმების და რეგისტრაციისთვის საჭირო პროცედურების განხორციელება უკვე დაწყებულია და პარტიული სიების რეგისტრაციის ბოლო ვადა 6 ოქტომბერია.



რეგისტრირებული იყო 27 საარჩევნო სუბიექტი. მათგან სამ პარტიას („ანა დოლიძე - ხალხისთვის“, „მოქალაქეები“ და „მწვანეთა პარტია“) საარჩევნო რეგისტრაცია საკუთარი განცხადების საფუძველზე გაუქმდა.

აღსანიშნავია, რომ ცესკომ პოლიტიკურ პარტიებს პარლამენტის არჩევნებისთვის პარტიული სიის ელექტრონულად წარდგენის შესაძლებლობა მისცა. ცესკოს დადგენილებაში ცვლილება, რომლის თანახმადაც პარტიებს საქართველოს პარლამენტის 2024 წლის 26 წლის ოქტომბრის არჩევნებისთვის რეგისტრაციის მიზნით, პარტიული სიის ელექტრონული პლატფორმის გამოყენებით წარდგენა შეეძლოთ, ძალაში 10 სექტემბერს შევიდა. რის შემდეგაც ცესკომ არჩევნებისთვის რეგისტრირებულ პარტიებს შესთავაზა, ესარგებლათ სიების წარდგენის ელექტრონული წესით. აღნიშნული წესით პარტიული სია ოთხმა პარტიამ წარადგინა.

გარდა ამისა, ცენტრალურმა საარჩევნო კომისიამ ჯერ კიდევ საარჩევნო პერიოდის დაწყებამდე დადგენილებით (დადგენილება 34/2024) განსაზღვრა კანდიდატის პარტიული კუთვნილების შესახებ ინფორმაციის წარდგენის წესი, რითაც ხელი შეუწყო პარტიებს დროულად მიეღოთ გადაწყვეტილებები პარტიულ სიებთან დაკავშირებით.

საარჩევნო ადმინისტრაციამ ასევე დააზუსტა ის ვადები, რომელიც განსაზღვრავს კანდიდატის მიერ ნარკოლოგიური ცნობის წარმოდგენას. ცესკომ ცვლილება შეიტანა შესაბამის განკარგულებაში და დაადგინა, რომ ნარკოლოგიური შემოწმების შესახებ ცნობა ცესკოში წარდგენილ პარტიულ სიას დაერთვება თუ ის გაცემულია პარტიული სიების წარდგენის ბოლო ვადაამდე 20 კალენდარული დღის ვადაში, რითაც საარჩევნო სუბიექტებისთვის მნიშვნელოვანი პროცედურის შესახებ ინფორმაცია კიდევ უფრო ცხადი გახდა, - ნათქვამია ინფორმაციამ.

- ესენი არიან:
1. „საქართველო“
 2. „გახარია საქართველოსთვის“
 3. „ჩვენი გაერთიანებული საქართველო“
 4. საქართველოს ლეიბორისტული პარტია
 5. საქართველოს სოციალ-დემოკრატიული პარტია
 6. „მემარცხენე ალიანსი“
 7. „თავისუფალი საქართველო“
 8. „ტრიბუნა“
 9. „შეცვალე საქართველო“
 10. „ჩვენ“
 11. „ქართველ ერთობა“
 12. „საქართველოს ერთობისა და განვითარების პარტია“
 13. ქართული ოცნება - დემოკრატიული საქართველო
 14. „გირჩი“
 15. „საქართველოს პატრიოტთა ალიანსი“
 16. „ძლიერი საქართველო-ლელი, ხალხისთვის, თავისუფლებისთვის!“
 17. „ერთიანობა-ნაციონალური მოძრაობა“
 18. „კოალიცია ცვლილებებისთვის გვარამია მელია გირჩი დროა“
 19. „ევროპელი დემოკრატები“
- ცესკოს შესაბამისი სამსახურის მიერ პარტიული სიების შემოწმების და რეგისტრაციისთვის საჭირო პროცედურების განხორციელება უკვე დაწყებულია. პარტიული სიების რეგისტრაციის ბოლო ვადა კი 6 ოქტომბერია. ამ დროისთვის რეგისტრირებულია ერთი საარჩევნო სუბიექტის - „ევროპელი დემოკრატების“ პარტიული სია. შესაბამისად რეგისტრაციის პროცედურებს გადის 18 საარჩევნო სუბიექტი.
- 26 ოქტომბრის არჩევნებისთვის

„უცხოური პირები, არასამთავრობო და მედია მოსახლეობას ართმევენ ინფორმირებას“ — შალვა პაპუაშვილი

„უცხოური მოქმედი პირები, არასამთავრობო და მედია, დემოკრატიული გარემოს გაუმჯობესების ნაცვლად, მოსახლეობას ართმევენ ინფორმირებულ პოლიტიკურ არჩევანის გაკეთების უფლებას,“ - ამის შესახებ საქართველოს პარლამენტის თავმჯდომარე შალვა პაპუაშვილი წერს.

მისი განცხადებით, „მნიშვნელოვანი არჩევნების წინ ზოგიერთი პოლიტიკურად ანგაჟირებული სამოქალაქო საზოგადოების ორგანიზაციის ქცევა, რომლებსაც არჩევნების „მიუკერძოებელ“ დამკვირვებლებად მოაქვთ თავი, ჩვენი დემოკრატიისათვის პრობლემად იქცა.“

„ჩვენს რეგიონში, როცა ხელისუფლების წარმომადგენელი არასამთავრობო ორგანიზაციას ან მედიას აკრიტიკებს, მაშინვე, ავტომატურად, ანტიდემოკრატიული შევიწროების იარაღის ანებებენ ხოლმე. არასამთავრობოებსა და მედიას კეთილსინდისიერებისა და დამოუკიდებლობის საკითხი მიკერძოებისა და სტერეოტიპების გარეშე უნდა განვიხილოთ.

სამოქალაქო საზოგადოება სახელმწიფოსა და ინდივიდს შორის უნდა იდგეს. თუმცა, ის არ უნდა წარმოადგენდეს პოლიტიკურ ორგანიზაციას. ის, რომ არასამთავრობო წარმომადგენელი ან ჟურნალისტი ოფიციალურად არ იყოს კენჭს არჩევნებში, სულაც არ ნიშნავს, რომ პოლიტიკოსი არ არის. მათი მიზნევა მიუკერძოებლად და დამოუკიდებლად არ შეიძლება. ამიტომაც, უფრო სწორი იქნება, რომ მათ პოლიტიკური აქტივისტები ვუწოდოთ და არა სამოქალაქო საზოგადოება. ზოგიერთი მათგანი პირდაპირად დაკავშირებული ფორმალურ პოლიტიკურ პარტიებთან, ზოგჯერ პირდაპირ ამ პარტიების სახელეუბსაც კი ირქმევენ, როგორც, მაგალითად „დრო“ ან „ხალხისთვის“. იყო შემთხვევა, როდესაც არასამთავრობო ორგანიზაცია „მრავალპარტიული დემოკრატიის აღმოსავლეთ ევროპული ცენტრის“ ლიდერები პირდაპირ გადაკეთდნენ პოლიტიკურ პარტია „თავისუფლების მოედნად“.

მეტოც, ცოტა ხნის წინ, ანტიკორუფციულმა ბიურომ, არასამთავრობო ორგანიზაცია „აირჩი ევროპა“ პოლიტიკური მიზნების მქონე სუბიექტად გამოაცხადა. არასამთავრობოებმა გააკრიტიკეს ეს გადაწყვეტილება და ის სამოქალაქო საზოგადოების შევიწროებად გამოაცხადა.

ქართული პროდუქტი საუდის არაბეთში

გარემოს დაცვისა და სოფლის მეურნეობის სამინისტროს მხარდაჭერითა და სოფლის განვითარების სააგენტოს ორგანიზებით, საუდის არაბეთში, ქალაქ რიადში, სოფლის მეურნეობის საერთაშორისო გამოფენაზე Foodex Saudi ათმა ქართულმა კომპანიამ დამთვალიერებელს საკუთარი წარმოების სასოფლო-სამეურნეო პროდუქცია გააცნო.

საქართველოს სტენდზე საკუთარ პროდუქციას წარმოადგენენ ქართული კომპანიები, მათ შორის დედოფლისწყაროში მოქმედი „აგროქიზი“.

გამოფენაზე წარმოდგენილი იყო ქართული პროდუქცია: კაკალი, მოცვი, წყალი, მშრალი ხილი, შეცივებული ცხვრის ხორცი და ორგანული წვენი.

„აგროქიზის“ დამფუძნებელი გიგა გონაშვილი გახდა „მირაქს“ ეუბნება, რომ ახალი საქსპორტო ბაზრების მოსაძებნად და მსხვილ შემსყიდველებთან ურთიერთობების დასამყარებლად ასეთი გამოფენები მნიშვნელოვანია.

„ამ გამოფენაში ყოველწლიურად ვი-

დეს. თუმცა, სულ რამდენიმე დღეში, ამ არასამთავრობო ორი წამყვანი ფიგურა ოპოზიციის საარჩევნო პარტიული სიის წამყვან ადგილებზე ვიხილეთ.

ამკარაა, რომ ამ არასამთავრობოებისა და მედიის დღის წესრიგი ლიად პოლიტიკურია. ისინი გამომდებენ მოუწოდებენ მთავრობის შეცვლისაკენ და, ერთ მომენტში, „ტექნიკური მთავრობის“ ფორმირებაც კი მოითხოვენ, რომელსაც, მათი თქმით, ქართული ოცნების დამხობის შემდეგ, თავადვე გაუძღვებოდნენ. სოროსის ფონდის, „საერთაშორისო გამჭვირვალების“, „ახალგაზრდა ოურისტიებისა“ და „სამართლიანი არჩევნების“ გზავნილები, ნარატივი და თემების არჩევანი სრულადაა სინქრონიზებული ოპოზიციურ პოლიტიკურ პარტიებთან. არასამთავრობოების მსგავსად, ისეთი ტელეკომპანიები, როგორცაა „მთავარი“, „პირველი“ და „ფორმულა“ პროპაგანდისტულ პლატფორმებს უქმნიან იმავე პარტიებს, შესაბამისად „ახალს“, „ლელოსა“ და ენმ-ს.

პოლიტიკური დღის წესრიგისა და მათგან განსხვავებით, ამ არასამთავრობოებისა და მედიის ფინანსები ხშირად პირდაპირ ემსახურება პოლიტიკურ პარტიებს: არასამთავრობოები პარტიების შეხვედრებს აორგანიზებენ, აწყობენ „დემოკრატიის ფესტივალებს“ პოლიტიკური აგენტაციისათვის, ან სულაც, პოლიტიკოსების შემოსავლის წყაროს წარმოადგენენ. მოკლედ, არასამთავრობოები, მედია და პარტიები ერთმანეთში არიან გადახლართულნი და ქმნიან პოლიტიკურ კონგლომერატებს, რომლებიც ხშირად დაკავშირებული არიან ჩრდილოეთ ოლიგარქებთან.

პოლიტიკური კავშირებისა და ფინანსური დახმარების გარდა, ეს არასამთავრობოები და მედია საშუალებები პირდაპირ ფინანსდებიან უცხოეთიდან, „დემოკრატიული დახმარების“ გრანტებისა და პროგრამების საშუალებით. სხვაგვარად რომ ვთქვათ, უცხოური ფული ქართულ პოლიტიკაში შემოედინება. საქართველოს კანონმდებლობა მკაფიოდ კრძალავს პოლიტიკოსებისა და პარტიების უცხოეთიდან დაფინანსებას. ისინი საარჩევნო გარემოს ზოგიერთი პოლიტიკური პარტიის სასარგებლოდ გადწინდებით არიან დაკავებული, რითაც მოსახლეობას ართმევენ ინფორმირებული პოლიტიკური არჩევანის გაკეთების უფლებას, - წერს შალვა პაპუაშვილი.

ლეთ მონაწილეობას. საუდის არაბეთში ჩვენ ძირითადად ცოცხალი ცხვრისა და ცხვრის ხორცის ექსპორტს ვახორციელებთ. უფრო ზუსტად კი ამ ქვეყანაში ცოცხალ ცხვარს რამდენიმე წელია ვაგზავნი, თუმცა ხორცის გატანას ახლა ვინცვით. გამოფენაზე პოტენციური კლიენტებთან გაცნობითი ხასიათის საინფორმაციო შეხვედრები გვქონდა. ამ კუთხით ჩვენი სახელმწიფოს მიერ ორგანიზებული ეს პლატფორმა საკმაოდ მნიშვნელოვანია. შედეგები მოგვიანებით გამოჩნდება, მაგრამ კმაყოფილი ვართ. ერთი გემი ცოცხალი ცხვარი უკვე გავგზავნეთ და წლის ბოლომდე ორი გემი კიდევ გავა. ასევე, ჩვენს კომპანიას აქვს რამდენიმე მიმდინარე პროექტი, რომელიც საქართველოს რამდენიმე რეგიონში ხეხილის ბაღებს ემსახურება. ამ მეურნეობებში მოყვანილი ხილის მოსავლის სამომავლოდ რეალიზაციისთვისაც ახალი ბაზარი და კავშირები გვჭირდება. ამიტომ გვაინტერესება სად შეიძლება გავიტანოთ ატამი, ბრეტელი ატამი, გარგარი და სხვა მსგავსი ხილი,“ - აღნიშნავს ბექა გონაშვილი.

გამოფენის გახსნას სოფლის განვითარების სააგენტოს დირექტორის პირველი მოადგილე გიორგი ფანცულაია დაესწრო. მიმდინარე წელს, გადმოფენა მეთერთმეტე ჩატარდა და მასში 50-მდე ქვეყანამ და 500-მდე ადგილობრივმა და საერთაშორისო კომპანიამ მიიღო მონაწილეობა. შიკაჟი



მუზეუმის სარეაბილიტაციო სამუშაოებს გაეცნენ

დედოფლისწყაროს მუნიციპალიტეტის მერმა ნიკოლოზ ჯანიაშვილმა მერიის ინფრასტრუქტურის სამსახურის თანამშრომლებთან ერთად ქალაქ დედოფლისწყაროში მხარეთმცოდნეობის მუზეუმში მიმდინარე სარეაბილიტაციო სამუშაოები მოინახულა.

პროექტი ითვალისწინებს მუზეუმის სრულ რეაბილიტაციას და ინვენტარის განახლებას. სამუშაოების ფარგლებში უკვე შეიცვალა შენობის სახურავი და კარ-ფანჯარა, დამონტაჟდა ცენტრალური გათბობა. განახლებული მუზეუმის შენობა ადაპტირებული იქნება შშმ პირებზე.



პროექტი ხორციელდება ევროკავშირისა და გერმანიის მთავრობის დაფინანსებით, გერმანიის საერთაშორისო თანამშრომლობის საზოგადოების პროგრამის „CESL“ - ის ფარგლებში, დედოფლისწყაროს მუნიციპალიტეტთან თანამშრომლობით. აღნიშნულ საგრანტო ხელშეკრულებას ხელი, გასული წლის დეკემბერში მოეწერა. სამუშაოების დასრულების შემდეგ შეიქმნება ხელსაყრელი გარემო მხარეთმცოდნეობის მუზეუმში ვი-

ზიტორთა ნაკადების მოსაზიდად, გამოფენების, შემოქმედებითი საღამოების მოსაწყობად, და სამეცნიერო კონფერენციების ჩასატარებლად. პროექტის ღირებულება 456 111 ლარია და ის მიმდინარე წლის ბოლომდე დასრულდება. შესაბამისი პირობების და საგამოფენო სივრცის არარსებობის გამო მუზეუმში დედოფლისწყაროს საგანძურის სრულად გამოფენას ვერ ახერხებს.

საბავშვო ბაღების აღჭურვა გრძელდება

მუნიციპალიტეტის საბავშვო ბაღების კომპიუტერით და ინტერნეტით აღჭურვა გრძელდება. როგორც დედოფლისწყაროს სკოლამდელი აღზრდის ცენტრიდან გაზეთ „შირაქს“ აცნობებს, ამ ეტაპისთვის 5 საბავშვო ბაღს გადაეცა პერსონალური კომპიუტერი. ახალი სასწავლო წლიდან ახალი ტექნიკა მიიღო ზემო მაჩხანის, არბოშიკის, გამარჯვების, არხილოსკალოს და საბათლოს

ბაღების ადმინისტრაციამ. სააღმშრომლო ცენტრში ამბობენ, რომ გასულ კვირას პერსონალის გადამზადებაც დაიწყო. 20 სექტემბრიდან დედოფლისწყაროს პროფკავშირის რაიონული ორგანიზაციის დაფინანსებით საბავშვო ბაღების მენეჯერთათვის კომპიუტერული პროგრამების შემსწავლელი ტრენინგ-კურსი დაიწყო.



საბავშვო ბაღების თანამშრომლები იმ რთულ წლებს იხსენებენ, სადაც მათ მრავალი წლის განმავლობაში უხდებოდათ მუშაობა. „ხელისუფლებაში „ქართული ოცნების“ მოსვლამდე საბავშვო ბაღების ნაწილში ელექტროენერგიაც არ იყო და კომპიუტერებით აღჭურვას ვინ შეძლებდა. ძველი კარ-ფანჯრები და ამორტიზებული ინფრასტრუქტურა იყო. ახლა კი ყველა საბავშვო ბაღში

ყოფითი პრობლემები გადაჭრილია, ყველანაირი პირობა გაუმჯობესებულია, ახლა შესაძლებელი გახდა ჩვენს ხელმძღვანელობას კომპიუტერულ ტექნიკაზე ეფიქრა და ეტაპობრივად ყველა ფილიალის აღჭურვა მოხდეს. პროფკავშირის დახმარებით კურსები და მათთვის, ვინც კომპიუტერისა და ინტერნეტის მოხმარება არ იცინა, სპეციალისტები გაკვეთილებს ატარებენ,“ - ამბობენ საბავშვო ბაღებში.

გამარჯვებაში სოფლის პროგრამის სამუშაოები მიმდინარეობს

სოფელ გამარჯვებაში ცენტრალური სკვერში სარეაბილიტაციო სამუშაოების კიდევ ერთი ეტაპი დასრულდა. სოფლის დახმარების პროგრამის ფარგლებში გამოყოფილი თანხით სკვერში დამატებით დამონტაჟდა სკამები, დაემატა საბავშვო ატრაქციონი და სპორტული ტრენაჟორები. გადაიხურა იქ არსებული სავარჯიშო სივრცე. ამას გარდა, სკვერის გვერდით სპორტულ მოედანთან მიმდინარეობს კიბის მოწყობა. როგორც სოფელ გამარჯვებაში მერიის რწმუნებულმა ზვიად ზვიადაურმა გაზეთ „შირაქს“ განუცხადა, სამუშაოები მოქალაქეთა მოთხოვნის მიხედვით დაიგეგმა. მისი განმარტებით, სკვერთან მიმდინარე სამუშაოების გარდა სოფლის პროგრამით წელს გამარჯვების საბავშვო ბაღში არსებული ერთ-ერთი სველი ნერტილის აღდგენა მოხერხდა.

როგორც ირკვევა, საბავშვო ბაღში პრობლემა შეექმნა ახლადმიშენებულ საპირფარეოს, რომელსაც ამოქმედებიდან მალევე კედლები გაეხსნა და უსაფრთხოების მიზნით გააუქმეს. ამ დროისთვის პრობლემა აღმოფხვრილია. „აღრე საბავშვო ბაღში ერთი სველი ნერტილი იყო და ორივე ასაკობრივი ჯგუფი სარგებლობდა. სტანდარტის მიხედვით, ჯგუფებს ცალ-ცალკე უნდა ჰქონოდათ. პანდემიამდე ბაგის ჯგუფისთვის გაკეთდა ცალკე სანიტარული კვანძი, რომელმაც ცოტა ხანს იმუშავა, შემდეგ კედელი გაიხსნა. ამის გამო რამოდენიმე წელი ისე უმოქმედო იყო. ამჯერად, წლები სოფლის პროგრამაში ჩასვეს და უკვე დასრულდა სველი ნერტილის რეკონსტრუქცია. მოხდა ამორტიზებული ოთახის რკინის კონსტრუქციებით გამყარება, გალესვა. ახალი სასწავლო წლიდან უკვე ამოქმედდა კიდევ ერთი საპირფარეო. მაგლობა მერიას პრობლემის აღმოფხვრისა და მხარდაჭერისთვის,“ - აცხადებს სოფელ გამარჯვების



ლი კულტურის სახლის ეზოში მდებარე ნაძვნარი ნაგვისგან განმინდა და დასავენებელი სკამები საკუთარი ხელით მოაწყო. შემდეგ კი დედოფლისწყაროს მერია მათ დაპირდა, რომ ადგილობრივი ხელისუფლება ეზოს მთლიანად კეთილმოაწყობდა და საბავშვო ატრაქციონებს დაამონტაჟებდა.

„კულტურის სახლის შენობის მიმდებარე ნაძვნარი მას შემდეგ უპატრონოდ იყო მიტოვებული, რაც ეს შენობა გაპარტახდა და უფუნქციოდ დარჩა. ჯერ ადგილობრივი ძალებით მოეწყო აქ სკამები და გასართობი აქტივობებისთვის სივრცეები, ყველა ასაკის ადამიანი მოდიოდა და ისვენებდა. შემდეგ კი, როცა მერიამ ამ ინიციატივის შესახებ შეიტყო, დედოფლისწყაროს მერი გვეფუძნა და კუსტარულად გაშენებული სკვერი დაათვალიერა. ნიკოლოზ ჯანიაშვილი დაგვიპირდა, რომ სათანადო დონეზე მოაწყობდა ამ სკვერს და ჩვენს ჩანაფიქრს ბოლომდე ხორცს შეასხამდა. რა თქმა უნდა, კმაყოფილები ვართ, რადგან ბევრად უფრო გაუმჯობესებული სივრცე მივიღეთ. როცა ეს სკვერი გაიხსნა, სკამები მხოლოდ ატრაქციონებთან იყო, ახლა კი მთელ სივრცეზე დამონტაჟდა. სოფლის კრებებზე მოსახლეობამ დააფიქსირა თხოვნა, რომ სოფლისთვის გამოყოფილი თანხა ამ სკვერს მოხმარებოდა და შეგვეფსო,“ - აღნიშნავენ სოფელ გამარჯვებაში.



საბავშვო ბაღის მენეჯერი **ოლა ბაბა-კივილი**. შეგახსენებთ, სოფელ გამარჯვების ყოფილი კულტურის სახლის ეზოში ადგილობრივი მოსახლეობის ერთი ნაწილის ინიციატივით მოხალისეობრივად ჯერ კიდევ 2019 წელს მოეწყო დასასვენებელი რეკრეაციული სივრცე. სწორედ მოქალაქეობრივი ინიციატივის ფარგლებში, მოხალისეობრივად რამდენიმე ადგილობრივმა ნაგრევებადქცეული გაუქმებუ-

გვერდი მოამზადა **ილია მარტყოფლიძე**

„სწავლება საინტერესო მოგზაურობაა...“

გაზეთი „შირაქი“ აგრძელებს თქვენთვის წარმატებული ახალგაზრდების გაცნობას. ახალგაზრდების, რომლებიც საკუთარი მონდომებით, შრომისმოყვარეობითა და ენთუზიაზმით ყველაფრის აღწევენ. ჩვენი დღევანდელი რესპოდენტი სულ რაღაც 20 წლის ასაკში გახდა მასწავლებელი. ის თბილისში, წმ.ბარბარეს სახელობის სკოლაში ინგლისური ენის მასწავლებლად მუშაობს. ფიქრობს, რომ „სწავლება არის ინვესტიცია მომავალში. თითოეული მოსწავლე წარმოადგენს მომავალ ლიდერს, ნოვატორს ან რეფორმატორს. მათი განათლების დონის ამაღლებით ჩვენ ვაყალიბებთ უკეთეს სამყაროს, რომელშიც ხვალ ვიცხოვრებთ“. წარმოგიდგინებ ჯაბა ჯამასპიშვილს, რომელიც გაზეთ „შირაქს“ მის მიერ არჩეულ პროფესიაზე, მოსწავლეებთან ურთიერთობაზე, მასწავლებლისთვის საჭირო უნარ-ჩვევებსა თუ სხვა საინტერესო თემებზე ესაუბრა.



-მოგიყვები შენს შესახებ. ვინ არის ჯაბა ჯამასპიშვილი?

ჯაბა ჯამასპიშვილი არის ადამიანი, რომელიც საკუთარ თავს მთელი ცხოვრების მანძილზე მიიჩნევს მოსწავლედ, რომელიც მუდმივად ვითარდება განათლების, პირადი გამოცდილებისა და მნიშვნელოვანი კავშირების მეშვეობით. დავიბადე და გავიზარე ზემო მარჯანიშვილში. აქ დაიწყო და საფუძველი ჩაეყარა ჩემი პიროვნების ფორმირებას. ადრეული ასაკიდან არაერთ კონკურსსა თუ პროექტში ჩართვამ, გამარჯვებამ თუ მარცხმა ბევრი რამ მასწავლა. მე ყოველთვის აღვიქვამდი განათლებას, როგორც უფრო მეტს, ვიდრე აკადემიური მიღწევების სერიას - ეს არის ხიდი, რომელიც აკავშირებს ადამიანებს, კულტურებსა და თაობებს.

ბავშვობიდან ბევრი პროფესია მიზიდავდა, განსაკუთრებით უცხო ენები. ამან მიბიძგა გავმხდარიყავი კავკასიის უნივერსიტეტის სტუდენტი ვეროპის-მცოდნეობის განხრით, სადაც ამაყმად მესამე კურსზე ვარ. უნივერსიტეტში გატარებულმა წლებმა მომცა საშუალება გამოემკვიკვლია ის საკითხები, რომლებიც ყოველთვის მაინტერესებდა - საერთაშორისო ურთიერთობების დინამიკა, ევროპული ინტეგრაცია, ისტორიის ცოდნის ძალა, თანასწორობისა და სამართლიანობის როლი თანამედროვე საზოგადოებებში და სხვა. განათლება იყო ჩემი ცხოვრების განუყოფელი და ვამაყობ, რომ შევძელი მასწავლებელი. მასწავლებლობა ჩემთვის მხოლოდ პროფესია არ არის - ეს მოწოდებაა.

დატვირთული გრაფიკის მიუხედავად აქტიურად ვარ ჩართული სხვადასხვა ინიციატივებში, რომლებიც ასახავს ჩემს უფრო ფართო მიზნებს. როგორც კავკასიის უნივერსიტეტის თანასწორობის კლუბის ვიცე პრეზიდენტი, ვცდილობ შევქმნა სამართლიანი, ინკლუზიური და ყველასთვის თანაბარი შესაძლებლობების გარემო. ჩემი ჩართულობა საქართველოს თანასწორობის ასოციაციაში, მათ საზოგადოებასთან ურთიერთობის დეპარტამენტში, საშუალებას მძლევს გადავდიოდე ეს იდელები - სოციალური ჩამორჩენილების ადვოკატირება და საზოგადოებაში ხელშეწყობის ცვლილებებისკენ სწრაფვა - უფრო ფართო მასშტაბით. მოკლედ, მე ვარ ადამიანი, რომელსაც ღრმად სწამს ცოდნის, კომუნიკაციისა და სამართლიანობის ძალის.

-როგორც ვიცი, პირველი ნაბიჯი გადადგი სწავლების სამყაროში და მასწავლებელი გახდი. როგორ მოხვედი

აქამდე? მოგიყვები შენი პირველი ნაბიჯების შესახებ.

მასწავლებლობა არ იყო გადაწყვეტილება, რომელიც ერთ ღამეში მივიღე - ეს იყო განათლებისადმი ღრმად ფესვგადგმული ინტერესის შედეგი, რამაც ჩამოაყალიბა ჩემი სურვილი, წვლილი შემეტანა სწავლების პროცესში. ჩემი საგნის სწავლების მიმართულბად ინგლისური ენა ავირჩიე, რადგან მივხვდი ენის, როგორც კომუნიკაციის, კავშირისა და ზრდის უზარმაზარ მნიშვნელობას. პატარა ასაკიდან მხიბლავდა, თუ როგორ შეუძლია ენას გადალახოს უფსკრული კულტურასა და იდეებს შორის და მინდობდა, ეს სხვებისთვისაც გამეზიარებინა. გარდამტეხი მომენტი იყო, როდესაც მონაწილეობა მივიღე ინგლისური ენის სხვადასხვა ოლიმპიადებში საქართველოს მასშტაბით და ზედიზედ ორჯერ გავიმარჯვე. გასულ წელს დავინყე აბიტურიენტების მომზადება ინგლისურ ენაში, დავეხმარე მათ უცხო ენაში ცოდნის გაუმჯობესებასა და გამოცდებისთვის მომზადებაში. სწორედ ამ პერიოდში გამიჩნდა ღრმა კმაყოფილების გრძობა, რომელიც სხვის აკადემიურ და პიროვნულ ზრდაში დახმარებისგან მოვიდა.

ჩემი ფორმალური გზა განათლების გადაცემის მიმართულებით დაიწყო წელს, როდესაც მასწავლებლის საგნის გამოცდა ჩავაბარე ინგლისურ ენაში და უნივერსიტეტიდან ოფიციალურად მივიღე C1 დონის დამადასტურებელი დოკუმენტი. მალევე გავაგზავნე ჩემი რეზიუმე სხვადასხვა სკოლაში და სულ რაღაც 20 წლის ასაკში აღმოჩნდი საკლასო ოთახში მასწავლებლის ამპლუაში. ჩემი კარიერის ამ ადრეულ ეტაპებზე გავიზარე, რომ მასწავლებლობა არის პროფესია, რომელიც მოითხოვს თანაგრძობას, ადაპტირებას და ნამდვილ სურვილს, მასწავლებელმა იხილოს საკუთარი მოსწავლეები წარმატებული. ყოველ გაკვეთილს ვუდგები როგორც ცნობისმოყვარეობის გაღვივების, დამოუკიდებელი აზროვნების ნახალისებისა და ჩემი მოსწავლეების პოტენციალის რეალიზებაში დახმარების შესაძლებლობას. ამ პირველმა ნაბიჯებმა არა მარტო ჩამომაყალიბა, როგორც მასწავლებელი, არამედ დაადასტურა ჩემი რწმენა, რომ განათლება არის ერთ-ერთი ყველაზე ძლიერი ინსტრუმენტი, რომელიც მომავლის ჩამოსაყალიბებლად გვაქვს.

-რა გახდა მოტივაცია, რომ შედეგად გამხდარიყავი? კონკრეტული მოვლენა თუ პიროვნება გახდა ამ გადაწყვეტილების მიზეზი?

ჩემი შთაგონების წყარო ბებიაა, რომელიც ათწლეულების განმავლობაში არის სკოლის ერთგული მასწავლებელი, ასევე ინგლისურის მიმართულებით, როცა გავიზარდე, ხშირად ვხვდავდი, რომ დაუღალავად მუშაობდა და ყველაფერს აკეთებდა თავისი წილი აგური დაელო მოსწავლეების განვითარების რთულ პროცესში. ხშირად მიზიარებდა ისტორიებს თავის მოსწავლეებზე. ის ჩემთვის არ იყო მხოლოდ მასწავლებელი - ის იყო მენტორი, მეგობარი და საყრდენი. განათლებისადმი მისმა გატაცებამ და მოსწავლეებთან პიროვნულ დონეზე დაკავშირების უნარმა, დიდი შთაბეჭდილება მოახდინა ჩემზე. მიუხედავად იმისა, რომ ბუბიის გავლენა იყო საფუძველი, ჩემმა გამოცდილებამ გააძლიერა გადაწყვეტილება, გავმხდარიყავი მასწავლებელი. ჩემი მოსწავლეების პროგრესის ყურებამ და მათი თავდაჯერებულობის მატებამ, როდესაც ისინი ახალ კონცეფციას ეუფლებოდნენ, ახალი მიზნების დასახვისკენ მიბიძგა. მივხვდი, რომ მხოლოდ საგნის სწავლება კი არ არის მთავარი, არამედ, მოსწავლეების შთაბეჭდილება, მათი ზრდისა და ცხოვრებაში წარმატების მიღწევისთვის ხელშეწყობა.

-რატომ მასწავლებლობა და ბავშვებთან კომუნიკაცია?

ბავშვების სწავლება და მათთან კომუნიკაცია არის ერთ-ერთი ყველაზე მნიშვნელოვანი გზა, რომლის არჩევა შემიძლო არა მხოლოდ აწმყოზე გავლენის გამო, არამედ მისი გადამწყვეტი როლის გამო მომავლის ფორმირებაში. ბევრი თვალსაზრისით, მასწავლებლობა ჰგავს იმ ნერგზე ზრუნვას, რომელიც ერთ დღეს ჩვენზე ბევრად მაღალი და ძლიერი გახდება. ერთ-ერთი მიზეზი, რის გამოც

ეს პროფესია ავირჩიე, არის პასუხისმგებლობის გრძობა, რაც მას მოაქვს. ეს „ახალგაზრდა გონებები“ ჯერ კიდევ აყალიბებენ თავიანთ იდეებს სამყაროს შესახებ და, ჩვენ, როგორც განმანათლებლები, ვადასწავლებთ როგორ ვთამაშობთ მათი კრიტიკული აზროვნების, თანაგრძობისა და გამძლეობის განვითარებაში. ჩვენ არ ვასწავლით მხოლოდ ისეთ საგნებს, როგორც ინგლისური ან მათემატიკა - ჩვენ ვეხმარებით იმ ადამიანების ჩამოყალიბებას, რომლებიც საბოლოოდ გავლენას მოახდენენ საზოგადოებაზე და ნახალისებენ ინოვაციებს. ბავშვების სწავლებით, ჩვენ უშუალო წვლილი შეგვაქვს უკეთესი, უფრო მოაზროვნე და უფრო თანამგრძობი საზოგადოების ჩამოყალიბებაში. ასევე არის რაღაც წარმოუდგენლად ენერჯიული ბავშვებთან მუშაობაში. მათი ცნობისმოყვარეობა უსაზღვროა, მათი ენთუზიაზმი გადამდებია და სწავლისადმი ლიაობა გამამხნევებელია. ყოველდღე მასწავლება, რომ ბავშვებს აქვთ უნიკალური პერსპექტივა სამყაროში, რომელიც სავსეა საოცრებებითა და შესაძლებლობებით. არაფერია იმაზე უკეთესი, როდესაც შეგიძლია გააჩინო ეს ცნობისმოყვარეობა და დაეხმარო ახალგაზრდებს თავად აღმოაჩინონ სამყარო.

უფრო მეტიც, მე მჯერა, რომ დღევანდელ კლასებში უფრო მეტი ახალგაზრდა მასწავლებელი გვჭირდება. განათლების სფერო სწრაფად ვითარდება და აუცილებელია ისეთი მასწავლებლების ყოლა, რომლებიც შეესაბამება საზოგადოების ცვლილებებს, ტექნოლოგიებს და გლობალურ საკითხებს. ახალგაზრდა მასწავლებლებს მოაქვთ ახალი პერსპექტივები, ახალი ენერჯია და ღრმა გაგება იმ გამოწვევებისა და შესაძლებლობების, რომლებსაც დღევანდელი მოსწავლეები აწყდებიან. ჩვენ შეგვიძლია გადავლახოთ უფსკრული თაობებს შორის და გავხადოთ სწავლა უფრო აქტიუალური, ხელმისაწვდომი და საინტერესო. ჩვენი ასაკი საშუალებას გვაძლევს უფრო მეტი დრო დავუკავშირდეთ მოსწავლეებს და რეალური გავლენა მოვახდინოთ მათი სწორი აზროვნების ჩამოყალიბებაში. ჩვენ ვაყალიბებთ უკეთეს სამყაროს, რომელშიც ხვალ ვიცხოვრებთ. ეს არის პასუხისმგებლობა, რომელსაც სერიოზულად ვეკიდებ და როლი, რომელსაც ვიღებ როგორც სიამაყით, ასევე თავმდაბლობით.

-როგორ ფიქრობ, რამდენად მარტივია ჩასწავლე ბავშვის შინაგან სამყაროს და დაამყარო მასთან კომუნიკაცია?

ბავშვის შინაგანი სამყაროს გააზრება და ეფექტური კომუნიკაციის დამყარება ერთდროულად შრომატევადი და დელიკატური პროცესია. ეს ყოველთვის ადვილი არ არის, თუმცა, მასწავლებლობის ერთ-ერთი ყველაზე მნიშვნელოვანი ასპექტია. ბავშვები კომპლექსურები არიან - ისევე როგორც უფროსებს, მათ აქვთ საკუთარი უნიკალური პერსპექტივები, ემოციები და გამოწვევები. მათთან დაკავშირების გასაღები მდგომარეობს მოთმინებაში, თანაგრძობაში და გულწრფელ სურვილში, მოუსმინო იმას, რასაც ისინი ამბობენ, მაშინაც კი, როდესაც პირდაპირ არ საუბრობენ.

ერთ-ერთი ყველაზე მნიშვნელოვანი რამ, რაც როგორც მასწავლებელმა ვისწავლე, არის ის, რომ ყველა ბავშვი განსხვავებულია. ზოგი ექსტროვერტია და სურს თავისი აზრების გაზიარება, ზოგი კი შეიძლება იყოს უფრო თავშეკავებული, სჭირდება დრო და ნახალისება, რათა თავი კომფორტულად იგრძნოს. ბავშვის შინაგანი სამყაროს ჭეშმარიტად გასაგებად, ჩვენ, მასწავლებლებმა უნდა შევქმნათ ნდობის გარემო. ეს ნიშნავს, აჩვენო მათ, რომ მათ ხმა აქვს მნიშვნელობა, რომ მათი გრძობები მართებულია და რომ ისინი იმყოფებიან უსაფრთხო სივრცეში, სადაც არ განიკითხავენ. ვცდილობ, ჩემს მოსწავლეებს ვაჩვენო, რომ მე არ ვარ მხოლოდ იმისთვის, რომ ვასწავლო მათ ინგლისური ან რეზიუმეების მნიშვნელობა მათი აკადემიური განმავლობაში - მე ვარ იქ იმისთვის, რომ მხარი დაუჭირო მათ, მოუხსნინო. რამდენიმე დღის წინ ჩემმა ერთ-ერთმა მოსწავლემ მკითხა, შეძლო თუ არა ჩამხუტოდა. მისი სიტყვებით, მიუხედავად იმისა, რომ ბევრი მასწავლებელი უყვარდა, აქამდე არავის ჩახუტებია. ეს მომენტი იყო შესხენება, რომ კომუნიკა-

ცია ყოველთვის ყალიბდება ჩვენი სწორი სიტყვებითა და მოქმედებებით. როგორც მასწავლებლები, მნიშვნელოვანია ვიყოთ დაკვირვებულნი, ამოვიცნოთ გზები, რომლითაც ბავშვები აზიარებენ თავიანთ აზრებს და გრძობებს. ემპათია საშუალებას გვაძლევს შევიდეთ მათ გონებაში, ვცადოთ და დავინახოთ სამყარო მათი პერსპექტივიდან.

კიდევ ერთი მნიშვნელოვანი ასპექტი არის თანმიმდევრულობა. ბავშვებმა უნდა იცოდნენ, რომ ჩვენ მათ გვერდით ვართ, არა მხოლოდ კონკრეტულ მომენტებში, არამედ თანმიმდევრულად, დროთა განმავლობაში. ეს საიმედოობა აყალიბებს ნდობას, რაც არის საფუძველი მნიშვნელოვანი კომუნიკაციისთვის.

-როგორი მოლოდინებით შეხვედი ამ სფეროში და რა რეალობის წინაშე აღმოჩნდი?

როცა სწავლება დავინყე, მღელვარებისა და ნერვიულობის ნაზავი მქონდა. მოუთმენლად ველოდებოდი, რომ შემიქმნა სათანადო გარემო და გამეზიარებინა ის, რაც ვიცოდი. თუმცა, მეც ცოტა დაუცველად ვგრძობდი თავს, რადგან ჩემს მოსწავლეებზე მხოლოდ რამდენიმე წლით უფროსი ვიყავი და ვნერვიულობდი, როგორ მიმიღებდნენ, როგორც მასწავლებელს. ქართულ რეალობაში არც ისე ხშირია გვავდეს მასწავლებელი, რომელიც სულ რაღაც სამი წლის წინ თავად იყო მოსწავლე და ვლელავდი, ჩემი მოსწავლეები სერიოზულად მიიღებდნენ თუ არა. მანუხებდა, როგორ დამემკვიდრებინა თავი და ხომ არ მიიჩნევდნენ პატარა ასაკს ჩემს სისუსტედ. თუმცა, სწრაფად აღმოვაჩინე, რომ ახალგაზრდა მასწავლებელს თავისი უპირატესობა ჰქონდა. იმის გამო, რომ თვითონ ვიყავი ცოტა ხნის წინ მოსწავლე, მივხვდი, რას განიცდიდნენ. შევძელი მათ საზრუნავის და მღელვარების გაგება. ჩემმა ასაკმა საშუალება მომცა კლასში უფრო მშვიდი და მეგობრული ატმოსფერო შემიქმნა.

კლასში შესვლამდე ვფიქრობდი, რომ სწავლება ძირითადად ცოდნის გაზიარებასა და მოსწავლეებისთვის სწავლაში დახმარებას გულისხმობდა, მაგრამ მალევე მივხვდი, რომ ეს ასევე ეხება ემოციურ მხარდაჭერას. მივხვდი, რომ უფრო მეტი უნდა ვყოფილიყავი, ვიდრე უბრალოდ ადამიანი, რომელიც ატარებს გაკვეთილებს.

ზოგადად, სწავლების სამყაროში შევედი ცოდნის გაზიარების მოლოდინით, მაგრამ რეალობამ მაჩვენა, რომ სწავლება არის ურთიერთობების დამყარება და ნდობის მოპოვება. მიუხედავად იმისა, რომ ვნერვიულობდი ახალგაზრდობაზე, ახლა მას ვხედავ, როგორც ძალას, რომელიც მეხმარება მნიშვნელოვანი გავლენა მოვახდინო ჩემი მოსწავლეების ცხოვრებაზე.

-როგორც შენ სოციალურ ქსელში აღნიშნე, ეს გზა შენთვის საინტერესოსთან ერთად, გამოწვევაცაა. რას გულისხმობ, რა გამოწვევებთან ასოცირდება ის შენთვის?

სწავლება ნამდვილად საინტერესო მოგზაურობაა, მაგრამ მას გამოწვევებიც ახლავს თან. ერთ-ერთი ყველაზე დიდი გამოწვევა, რომელსაც ვხვდები, მოსწავლეების განსხვავებული საჭიროებებია. ყველა ბავშვი უნიკალურია, თავისი ძლიერი და სუსტი მხარეებით. ზოგიერთი მოსწავლე სწრაფად აცნობიერებს ცნებებს და ბარიერებს, ზოგს კი ეს შეიძლება გაუჭირდეს. თითოეული მოსწავლის ინდივიდუალურად მხარდაჭერის გზების პოვნა შეიძლება რთული იყოს. უნდა მოვიფიქრო კრეატიული გზები, რათა ავხსნა საგაკვეთილო მასალა ისე, რომ ყველამ გაიგოს. კიდევ ერთი გამოწვევა საკლასო დისციპლინის შენარჩუნებაა. ზოგჯერ, მოსწავლეებს შეუძლიათ ადვილად გადაიტანონ ყურადღება ან შეიძლება სერიოზულად არ მიიღონ გაკვეთილები. შეიძლება რთული იყოს მათი ყურადღების შენარჩუნება და პოზიტიური სასწავლო გარემოს შექმნა. მივხვდი, რომ მკაფიო წესებისა და მოლოდინების დადგენა თავიდანვე მეხმარება, მაგრამ მაინც მუდმივ ძალისხმევას მოითხოვს, რომ ყველა იყოს კონცენტრირებული და ჩართული.

ემოციური გამოწვევები ასევე მნიშვნელოვან როლს თამაშობს სწავლებაში. ბევრი მოსწავლე აწყდება

„პათიოლოგიური პროცესით სიჩინს და სხვადასხვა სახის არ ნიშნავს, პროფესიონალიზმია პათიოლოგიური“

ენდოკრინოლოგი ზურაბ რობიტაშვილი გასულ კვირას „დედოფლისწყაროში“ დაავადებულთა რეაბილიტაციის ცენტრში დაავადებულთა რეაბილიტაციის ცენტრში „ენმედიცის“ კლინიკური დირექტორია. მიუხედავად იმისა, რომ მრავალი წელია დედოფლისწყაროდან წასულია, მშობლიური კუთხე მისთვის ბავშვობასა და ტკბილ მოგონებებთან ასოცირდება, ამიტომაც მიიჩნევს, რომ მისთვის ეს სტატუსი ბევრს ნიშნავს.

ზურაბ რობიტაშვილი: „1961 წლის 17 იანვარს დაიბადე. სხვათაშორის, დაბადების ადგილად თელავის რაიონის სოფელი ნაფარული მინერია, მაგრამ იქ არ მიცხოვრია. ბავშვობა ზემო მარხაანში გავატარე. თელავიდან დედაჩემი იყო, მამა კი ზემო მარხაანიდან. შემდეგ მამაჩემი, რომელიც ზოოტექნიკოსად მუშაობდა, დედოფლისწყაროში გადაიყვანეს და ამის გამო მშობლებთან ერთად მე და ჩემი და ქალაქ დედოფლისწყაროში გადავედი საცხოვრებლად. პირველივე კლასიდან ქალაქ ნითელწყაროს №1 სკოლაში შევედი და 10 წელი იქ გავატარე. ასევე ნითელწყაროს ფეხბურთის რაიონულ ნაკრებშიც ვთამაშობდი. სკოლამ ყველაფერი მომცა, მასწავლა პატიოსნება, შრომისმოყვარეობა, სწავლის სიყვარული. ეს ყველაფერი ადამიანის ჩამოყალიბებაში ძალიან მნიშვნელოვანია. ამიტომ ძალიან დიდი პატივს ვცემ ჩემს მასწავლებლებს. ბედნიერი ვარ, რომ ასეთ სკოლაში მოვხვდი. საოცარი კლასის დამრიგებელი გვყავდა, ქალბატონი ლამარა მათიაშვილი, სკოლის დირექტორი კი ქეთევან ჯორჯოშვილი. კარგად ვისწავლე ცისანა მჭედლოშვილს, თამარ თარაშვილს, ნათელა ნანობაშვილს, ნანული ნატროშვილს. ყველა მასწავლებელს ვერ ჩამოვთვლი, მაგარამ სულ ვამბობ ხოლმე, იღბლიანი ადამიანი ვარ, რომ ამ სკოლაში მოვხვდი, ასეთი კლასი მყავდა და სწორედ ამ გარემოში გავიზარდე. ოქროს მედალზე დავამთავრე სკოლა და ეს ცოდნა შემდეგში ძალიან გამომადა. დიდი მადლობა მინდა ვუთხრა ქალაქის პირველ სკოლას, რადგან აქ ვისწავლე უფროსის პატივისცემა, დამჯერობა. იმ პერიოდში დიდი მნიშვნელობა ენიჭებოდა სწავლას, მეტი მოთხოვნა და სიმკაცრე იყო. შემდეგ უკვე გულდასაწყვეტი ვითარება იყო განათლების სისტემაში. პატრიოტიზმი დროებით სიარულს და სხვადასხვა საუბარს არ ნიშნავს. ასე ქვეყანას ვერ გამოადგები. პირველ რიგში პროფესიონალიზმია პატრიოტიზმი. რა სფეროშიც არ უნდა მოღვაწეობდე, უმთავრესია პროფესიონალიზმი და სწორედ ასე შეგიძლია გამოადგე სამშობლოს და სარგებელი მოუტანო შენს ხალხს.“

— პროფესიული არჩევანი როგორ გააკეთეთ და რა სპეციალობები მოგწონდა?

— ყოველთვის ხაზს ვუსვამ ხოლმე, რომ ამ პროფესიაზე არ მიფიქრია. სკოლაში მათემატიკური ნიჭით გამოვიჩინე, ძლიერი ვიყავი ამ მიმართულებით და ჩემი მათემატიკის მასწავლებლები გადარეულები იყვნენ ჩემი უნართი. სხვა პროფესიის

არჩევანზე არ დავფიქრებულვარ, არც სამედიცინოზე. რაკი მათემატიკა მიყვარდა, მათემატიკურზე ჩაბარებას ვაპირებდი. ვერ ვიტყვი, რომ რომელიმე სხვა პროფესია მინდოდა. მაშინ ცნობილი მათემატიკოსი დავით გონდაური საქართველოს ტელევიზიით თამაზ კვაჭანტირაძესთან ერთად ტელეგაკვეთილებს ატარებდა და მან დიდი გავლენა იქონია ჩემზე. ამდენად, მთლიანად მათემატიკით ვიყავი მოცული. 1978 წელს, სკო-



ლა რომ დავამთავრე ამ პერიოდში ძალიან პოპულარული იყო სამედიცინო ფაკულტეტზე სწავლა. თავდაპირველად დედაჩემის იდეა იყო, რომ სამედიცინოზე ჩამებარებინა. ამის შესახებ რამდენიმე ნათესავს, რომელიც სამედიცინო სფეროში მუშაობდა, რჩევა ვკითხე და მალევე გადავწყვიტე ჩამებარებინა. მაშინ ისე იყო, რომ ოქროს მედალოსნები მხოლოდ ერთი გამოცდით ირიცხებოდნენ ინსტიტუტში, თუ გამოცდას ფრიადზე ჩააბარებდი. შაბათ-კვირას თბილისში დავდიოდი და კომაროველებთან ერთად ფიზიკაში ვემზადებოდი. ბიძაჩემი მამეცადინებდა და ურთულესი ამოცანები მომცა სავარჯიშოდ. როცა წარმატებით ამოგხსენი და მივუტანე, გოცნა კაცი. ფიზიკის ამოცანები ამოგხსენი მათემატიკურად. სხვათაშორის, მისაღებ გამოცდაზეც 5-იანი მივიღე და ერთი გამოცდით ჩავირიცხე. ასე გავხდი სამედიცინო ინსტიტუტის სამკურნალო ფაკულტეტის სტუდენტი. სხვათაშორის, ეს მათემატიკური აზროვნება სულ მეხმარება პაციენტებთან ურთიერთობაში. განსაკუთრებით დიაბეტიანი პაციენტების ინსულინის დოზებს და მონაცემებს ვიმასხოვრებ და როცა ყოველდღიურად ტელეფონზე მირეკავენ, უკვე ვიცი რა უნდა ვუპასუხო და როგორი დოზა

დავუნიშნო. ინსტიტუტში კარგად ვსწავლობდი, წარჩინებული სტუდენტი ვიყავი. მხოლოდ ორი ოთხიანი მენერა, დანარჩენი ხუთიანი მქონდა და ნითელ დიპლომზე დავამთავრე. 6 წელი სტუდენტი ვიყავი. შემდეგ კი ინსტიტუტიდან განაწილებით აჭარაში წავიდი. მაშინ ასე ხდებოდა, ამიტომ ინსტიტუტის დამთავრების შემდეგ 7 წელი ბათუმში ვიმუშავე. კარგ კლინიკაში ვმოღვაწეობდი. პარალელურად წელიწადნახევარი სასწრაფო დახმარების ჯგუფშიც ვიმუშავე რომ მეტი პრაქტიკა მიმელო.

1992 წლიდან თბილისში გადავედი, ჯერ კლინიკური ორდინატურის კათედრაზე, შემდეგ კლინიკის თანამშრომლად, უბნის ენდოკრინოლოგად. მოვხვდი პროფესორ დათო მეტრეველთან. ცნობილი ფაქტია, რომ ის ისე არ აიყვანს კადრს, თუ არ მოეწონა. მან კი კათედრაზე დამტოვა და ერთად მუშაობა შემომთავაზა. ფაქტობრივად მასთან გავიზარდე, პროფესიულად სწორედ მისი მეთვალყურეობის ქვეშ განვითარდი და ამით ბედნიერი ვარ. 2011 წლიდან კი ენდოკრინოლოგია, მეტაბოლოგია, დიეტოლოგიის ცენტრის, ანუ „ენმედიცის“ კლინიკური დირექტორი ვარ, ანუ სამკურნალო პროცესს ვკურირებ. ბედნიერი ვარ, რომ ჩემზე შეაჩერეს არჩევანი და შესაძლებლობა მაქვს დღეს იმ ადგილს ვიკავებდე, სადაც დიდი კორიფეები და მისაბაძი ადამიანები მუშაობდნენ. ეს ჩემთვის პატივიცაა და იმავდროულად დიდი პასუხისმგებლობაც.

— დღევანდელი გადასახედიდან, რამდენად კმაყოფილი ხართ თქვენი ცხოვრებით?

— გულწრფელად გითხრათ, საკუთარი პროფესიული არჩევანითა და ცხოვრების განვლილი გზით კმაყოფილი ვარ. სხვაგვარად არც შეიძლება იყოს. მსიაბოვნებს რასაც ვაკეთებ და ძალიან მიყვარს ჩემი საქმე. საერთოდ, ექიმმა და მოსამართლემ შეცდომები არც კარიერის დასაწყისში უნდა დაუშვან, რომ ამით სხვა არ დაზარალონ. თუმცა, გამოცდილება მეტ პროფესიონალიზმს იძლევა და რაც დრო გადის, ადამიანი უფრო ვითარდება. ნათქვამია, თუ პაციენტი ექიმთან პირველივე შეხვედრის შემდეგ შეეხას არ გრძობს, ის ნამდვილი ექიმი არ არის. ბოლომდე ვეთანხმები ამ გამონათქვამს. დღეს მაგალითად მყავდა პაციენტი, რომელმაც თქვა, რომ გამთენიისას წამოვიდა ერთ-ერთი რეგიონიდან, რათა დილით ადრე მოეხერხებინა ჩემთან შემოსვლა. ეს და მსგავსი მაგალითები ცხადია სასიამოვნოა ჩემთვის. კმაყოფილია პაციენტმა შეიძლება სანთელიც აგინთოს და მანქანაც გაჩუქოს, მაგრამ ყველა შემთხვევაში მაღლიერების გამოხატვა და ეს ექიმისთვის ყველაფერია. მე თუ მკითხავთ, ხალხის სამსახურში ყოფნა ყველაზე დიდი ნოდებაა. მათი მაღლიერება და დალოცვა სტიმულს მაძლევს და ამ კავშირს ყოველდღიურად ვგრძობ. ეს სიტბო და სიყვარული სიცოცხლეს მიხანგრძლივებს. რადგან ბევრი მაღლიერი პაციენტი მყავს და სახელი მაქვს, ალბათ, ნდობა დავიმსახურე და მათი იმედი გავამართლე. ეს კი ხალხის დიდ სიყვარულს ნიშნავს.

— რამდენად ინარჩუნებთ კავშირს მშობლიურ კუთხესთან?

— დედოფლისწყარო მთელი ჩემი ბავშვობა და ყველაზე ტკბილი წლები

ბი სწორედ ამ რაიონს უკავშირდება. ამიტომაც განსაკუთრებული ემოციები და დამოკიდებულება მაქვს ამ კუთხის მიმართ, საიდანაც ჩემი ფესვებია. სამწუხაროდ, დედოფლისწყაროში ჩამოსვლას ხშირად ვერ ვახერხებ. მას შემდეგ, რაც სკოლა დავამთავრე და ინსტიტუტში ჩავაბარე, დედოფლისწყაროში აღარ მიცხოვრია. სახლი ისევ გვაქვს და პერიოდულად მიწევს ჩამოსვლა. ჩემი და უფრო ხშირად იცლის დედოფლისწყაროში წამოსასვლელად. მე სამწუხაროდ, ჩემი სამუშაო გრაფიკი არ მაძლევს შესაძლებლობას. მშობლები ზემო მარხაანის სასაფლაოზე არიან დაკრძალულნი. აღდგომას ჩამოვდივართ ხოლმე. ახლა ლონისძიებაზე რომ დამპატიჟეს და დედოფლისწყაროს ვენციე, მრავალწლიანი პაუზის შემდეგ შევედი ჩემს მშობლიურ სახლში. ცრემლი წამომივიდა, წლებს შემდეგ რომ შევალე ჩემი ბავშვობის სახლის კარი. დიდი ხანია აღარ ვყოფილვარ და ძალიან ემოციური იყო. ამას ისიც დავმატა, რომ ბავშვობის მეგობრები ვნახე, თანაკლასელებს შევხვდი, ბევრი ნაცნობი და დიდი ხნის უნახავი ადამიანი მოვიდა და ძალიან ემოციებით დატვირთული დაგბრუნდი თბილისში. ეს განწყობა დიდხანს გამყვება.

— რას ნიშნავს თქვენთვის მშობლიური მუნიციპალიტეტის მხრიდან საპატიო მოქალაქის წოდების მინიჭება?


— მაღლობელი ვარ ჩემი საყვარელი დედოფლისწყაროს საპატიო მოქალაქედ არჩევის გამო, სადაც გავატარე სკოლის პერიოდის წარუშლელი ათი წელი. ვერ წარმოვიდგენდი იმ სიტბოს, რომელიც მივიღე რაიონის ხელმძღვანელობის, კლასელების, ძველი მეგობრების, მასწავლებლებისა და პაციენტების მხრიდან. ჩემთვის საამაყოა ჩემი სამშობლოს ნებისმიერი კუთხის საპატიო მოქალაქედ არჩევა, განსაკუთრებით რომელი კუთხიდანაც ვარ.

— როგორც მედიკოსი, რას ურჩევდით ჩვენს პაციენტებს, რა რეკომენდაციებს გასცემთ?

— ბოლო წლებში სტაბილურად იზრდება ენდოკრინოლოგიური პრობლემები. ეს მხოლოდ საქართველოს არ ეხება, მსოფლიოში იმატა. განსაკუთრებულ პრობლემად რჩება შაქრიანი დიაბეტი. ამიტომ მთავარი რეკომენდაცია, რასაც პირველ რიგში უფრჩევთ ადამიანებს, ესაა ჯანსაღი კვება და აქტიური ცხოვრება. როგორც წესი, პასიური ცხოვრების წესი, ჭარბი წონა, არაჯანსაღი კვება უდიდესი რისკ ფაქტორია დიაბეტის განვითარებისთვის. მითუმეტეს, თუ ამას მემკვიდრეობაც უწყობს ხელს და ოჯახში სხვა წევრები უკვე იყვნენ დიაბეტით ავად. ნორმის მიხედვით, ჯანსაღი ადამიანის სისხლში შაქრის დონე დილით უზომო უნდა იყოს 5-დან 6-მდე, ხოლო კვებიდან 2 საათის შემდეგ 8-ზე ნაკლები. თუ ეს ზღვარი დარღვეულია და მეტი მაჩვენებელი ფიქსირდება, აუცილებელია ენდოკრინოლოგთან ვიზიტი, რათა გამომწვევი მიზეზები დადგინდეს და გაირკვას, რასთან გვაქვს საქმე, რატომ შეიცვალა შაქრის დონე. დიეტა არავის არ უყვარს, მაგრამ ყველა შემთხვევაში ჭარბწონიანობა ბევრ პრობლემას ქმნის. ამიტომ, ადამიანმა ზედმეტი წონის კლებაზე მუდმივად უნდა იფიქროს, ეს ბევრ რამეს შეცვლის და გააუმჯობესებს თქვენს ორგანიზმსა და ცხოვრებაში.

ესაუბრა

ილია მარტყოფლიშვილი



„სწავლება სინტერესო მოგზაურობაა...“

/დასაწყისი გვ.4/

პირად პრობლემებს სკოლის გარეთ, რამაც შეიძლება გავლენა მოახდინოს მათ ქცევასა და დავალებების შესრულებაზე კლასში. როგორც მასწავლებელს, მსურს მათი მხარდაჭერა, მაგრამ ეს შეიძლება იყოს ემოციურად დამლული. ვცდილობ, ჩემი მოსწავლეების გვერდით ვიყო და ვაჩვენო, რომ მათი წუხილი მაინტერესებს, მაგრამ მათი საჭიროებების დაბალანსება ჩემს საჭიროებებთან შეიძლება ზოგჯერ რთული იყოს.

დროის მენეჯმენტი კიდევ ერთი გამოწვევაა, რომელსაც ხშირად ვაწყობ. გაკვეთილის დაგეგმვის, შეფასების და მასალების მომზადების პერიოდი, შეიძლება ძალიან ხანგრძლივი აღმოჩნდეს. მინდა, ჩემი მოსწავლეებისთვის მაქსიმუმი გავაკეთო, მაგრამ ასევე უნდა გამოვწინაო დრო პირადი ცხოვრებისა და პასუხისმგებლობებისთვის, რადგან პარალელურად ვარ სტუდენტი, უნივერსიტეტის თანასწორობის კლუბის ხელმძღვანელი, საქართველოს თანასწორობის ასოციაციის თავმჯდომარე და ამავდროულად სახლში კერძოდ ვამზადებ აბიტურიენტებს. გარკვეულწილად მიზიდვებს ვიყო უკეთესი და ჩემი მოსწავლეების ზრდა და წარმატება ამ ყველაფერს ღირებულს ხდის.

შენი აზრით, რა არის სწავლების ჭეშმარიტი არსი?

ჩემი აზრით, სწავლების ჭეშმარიტი არსი მდგომარეობს მოსწავლეების შთაბეჭდილების, დაკავშირების და გაძლიერების უნარში. ჩემი სწავლის განმავლობაში მე მქონდა პრივილეგია მესწავლა მრავალი მასწავლებლისგან, როგორც სკოლაში, ასევე უნივერსიტეტში. თითოეულმა მათგანმა წვლილი შეიტანა ჩემი წარმოდგენების ჩამოყალიბებაში, თუ როგორ გამოიყურება ეფექტური სწავლება და, რაც მთავარია, მასწავლეს როგორი მასწავლებელი უნდა ვიყო და როგორი არა. სწავლების ერთ-ერთი მთავარი ასპექტია უსაფრთხო და საინტერესო გარემოს შექმნა, სადაც მოსწავლეები გრძობენ დაფასებას და პატივისცემას. დაინახე, რამდენად მნიშვნელოვანია მასწავლებლებისთვის ნდობის ჩამოყალიბებისთვის ხელშეწყობა და ღია კომუნიკაციის ნახაზისებება. კიდევ ერთი მნიშვნელოვანი ელემენტია ცნობისმოყვარეობის გაჩენის უნარი. სწავლების პროცესში ასევე გადამწყვეტია სწავლის სხვადასხვა სტილის გააზრება. ყველა მოსწავლე განსხვავებულად სწავლობს

და ჩემი სწავლების მეთოდების ადაპტირება ამ საჭიროებების დასაკმაყოფილებლად აუცილებელია. სწავლების მოქნილი სტრატეგიები მასწავლებელს ეხმარება ყველა მოსწავლეს ჰქონდეს წარმატების მიღწევის თანაბარი შესაძლებლობა. სწავლების ჭეშმარიტი არსი არის მოსწავლეების შთაბეჭდილება, დაკავშირება და გაძლიერება.

რა თვისებები მფლობელი უნდა იყოს კარგი პედაგოგი?

კარგი მასწავლებელს აქვს რამდენიმე მნიშვნელოვანი თვისება, რაც ხელს უწყობს პოზიტიური სასწავლო გარემოს შექმნას. უპირველეს ყოვლისა, მათ უნდა ჰქონდეთ ერთუბიანობა, რაც შთაბეჭდილებს მოსწავლეს სწავლისთვის. მოთმინება აუცილებელია, რადგან თითოეული მოსწავლე სწავლობს საკუთარი ტემპით და მომთმენ მასწავლებელს შეუძლია მხარი დაუჭიროს მათ გამომწვევებში. ასევე გადამწყვეტია თანაგრძობის უნარი. მოსწავლეთა გრძობების გაგება ხელს უწყობს ძლიერი კავშირების დამყარებას. კარგი მასწავლებლებს სჭირდებათ კომუნიკაციის ძლიერი უნარი, რათა ნათლად ახსნან იდეები, მოუხმონ მოსწავლეებს. ისინი უნდა იყვნენ ადაპტირებადი, მზად იყვნენ შეცვალონ სწავლების მეთოდები სხვადასხვა საჭიროებების დასაკმაყოფილებლად. ასევე მნიშვნელოვანია კრეატიულობა. სახალისო და საინტერესო გაკვეთილების გეგმები მოსწავლეების ჩართულობას ზრდის. ორგანიზაციული უნარები ეხმარება მასწავლებლებს ეფექტურად მართონ დრო და კლასი. კარგი მასწავლებელი უწყვეტი სწავლის ერთგულია, ყოველთვის ეძებს ახალ იდეებსა და სტრატეგიებს სწავლების გასაუმჯობესებლად. კარგი მასწავლებელი აერთიანებს მოთმინებას, თანაგრძობას, კომუნიკაციას, ადაპტირებას, კრეატიულობას, ორგანიზებულობას, სწავლისადმი ერთგულებას, პატივისცემას, თავდადებას, ძლიერ მენეჯმენტსა და მოქნილობას, რათა დადებითად იმოქმედონ თავიანთი მოსწავლეების განათლებაზე.

როგორ ფიქრობ, რა გზა უნდა გაიარო, რომ შენს წარმოდგენაში არსებული იდეალები მასწავლებელი გახდე?

იმისთვის, რომ გავხდე იდეალური მასწავლებელი, ვფიქრობ, ყურადღება უნდა გავამახვილო პიროვნული და პროფესიული განვითარების რამდენიმე ძირითად მიმართულებაზე. უპირველეს ყოვლისა, აუცილებელია მუდმივი განვი-


თარება. სწავლების უახლესი მეთოდები, საგანმანათლებლო ტექნოლოგიები და ინფორმაციული განახლება გადამწყვეტია. ჩემი ცოდნისა და უნარების გასაუმჯობესებლად, ვგეგმავ პროფესიული განვითარების შესაძლებლობებს, როგორცაა სემინარები, ონლაინ კურსები და კონფერენციები. ჩემს პრაქტიკაში საგანმანათლებლო ლიტერატურის და კვლევების ჩართვა ასევე დამხმარება კლასში საუკეთესო პრაქტიკის დანერგვაში. ასევე, ჩემს მოსწავლეთან ძლიერი ურთიერთობების დამყარება სასიცოცხლოდ მნიშვნელოვანია. გარდა ამისა, მსურს მივიღო უკუკავშირი, როგორც მძლავრი ინსტრუმენტი ზრდისთვის. ჩემი მოსწავლეების, კოლეგებისა და მენტორებისგან უკუკავშირის მოძიებით, შემიძლია მივიღო ღირებული ცოდნა სწავლების პრაქტიკის შესახებ. კონსტრუქციული კრიტიკა დამხმარება ჩემი მიდგომის დახვეწაში. საბოლოოდ, გზა იმისა, რომ გავხდე იდეალური მასწავლებელი, მოიცავს მუდმივ განვითარებას, ძლიერი ურთიერთობების დამყარებას, უკუკავშირის მიღებას, შემოქმედებითობის განვითარებას, ბალანსის შენარჩუნებას და ჩემი მოსწავლეების ადვოკატირებას.

რას ურჩევდი მომავალ ახალგაზრდა და ახალბედა პედაგოგებს?

მომავალ ახალგაზრდა და ახალბედა მასწავლებლებს, რამდენიმე რჩევას მივცემდი, რომლებიც, ვფიქრობ, დაეხმარებათ სწავლების მომხიბვლელ, მაგრამ რთულ გზაზე:

იყავით მომთმენი საკუთარ თავთან - სწავლება არის უნარი, რომლის განვითარებასაც დრო სჭირდება. ნუ იქნებით ძალიან მკაცრი საკუთარი თავის მიმართ, თუ ყველაფერი მყისვე იდეალურად არ წავა. თითოეული გამოცდილება, იქნება ეს დადებითი თუ უარყოფითი, ხელს უწყობს თქვენი, როგორც მასწავლებლის განვითარებას. დაამყარეთ ძლიერი ურთიერთობები - ფოკუსირება მოახდინეთ თქვენს მოსწავლეთან პოზიტიური კავშირების დამყარებაზე. დაუთმეთ დრო, რომ გაცნობთ მათ, როგორც ინდივიდებს, გააცნობიერეთ მათი ინტერესები და მოუხმინეთ მათ პრობლემებს.

იყავი ღია უკუკავშირისთვის - კონსტრუქციულმა კრიტიკამ შეიძლება მოგანოდოთ ღირებული ინფორმაცია თქვენი სწავლების მეთოდების შესახებ და დაგეხმაროთ საკუთარი თავის გაუმჯობესებაში. იყავით ღია ახალი



მიდგომებისადმი და თქვენი მოსწავლეების საჭიროებებზე სტრატეგიების მორგებისთვის.

იყავით მოქნილი - საკლასო გარემო დინამიურია და ყველაფერი შეიძლება ყოველთვის ისე არ მოხდეს, როგორც დაგეგმილია. მოქნილობა საშუალებას მოგცემთ ეფექტურად უპასუხოთ მოსწავლეების საჭიროებებს.

იყავით ინფორმირებული და მომზადებული თანამედროვე რალოვას

- თვალის ადევნეთ საგანმანათლებლო კვლევებსა და ტენდენციებს. სწავლების ახალი მეთოდების, ტექნოლოგიებისა და საგანმანათლებლო პოლიტიკის შესახებ ინფორმირებულობა დაგეხმარებათ უზრუნველყოთ თქვენი მოსწავლეებისთვის სწავლის საუკეთესო გამოცდილება.

გჯეროდეთ თქვენი გავლენის - გახსოვდეთ, რომ თქვენ გავლენა ახდენთ თქვენი მოსწავლეების ცხოვრებაზე. თითოეული პოზიტიური ურთიერთქმედება, ნახაზისებვა ან ინფორმაცია, რომელსაც თქვენ აწვდით, ხელს უწყობს მათ ზრდას.

არასოდეს შეწყვიტო სწავლა - და ბოლოს, მიუდებო სწავლებას, როგორც მთელი ცხოვრების მანძილზე სწავლის აუცილებლობას. მოძებნეთ პროფესიული განვითარების შესაძლებლობები, დაფიქრდით თქვენს არჩევანზე და იყავით ცნობისმოყვარე.

ესაუბრა
შუაშუნა ყანაშვილი

პედაგოგთა კონფერენსია ჩატარდა

19 სექტემბერს პედაგოგთა და მეცნიერთა თავისუფალი პროფკავშირის დედაფლისწყაროს მერვე საანგარიშო-საარჩევნო კონფერენცია გაიმართა. კონფერენციას ესწრებოდნენ სპმთპ-ის პრეზიდენტი მაია კობახიძე, ვიცე-პრეზიდენტი მარი ალუღიშვილი, დედაფლისწყაროს რესურსცენტრის უფროსი მკაე ჯანაშვილი, ადგილობრივი სკოლის დირექტორები და პროფკავშირის წევრები. კონფერენცია საქმიანად წარმართა. დელეგატებმა მოისმინეს და განიხილეს საგანმანათლებლო სივრცეში არსებული სიახლეები. იყო კითხვა-პასუხი და დისკუსია სამუშაო საკითხებზე. კონფერენციაზე დელეგატებმა სპმთპ-ის დედაფლისწყაროს რაიონული ორგანიზაციის თავმჯდომარედ კვლავ მაცვალა მაქლარაშვილი აირჩიეს.

„წარმატებებს ვუსურვებ სპმთპ-ის დედაფლისწყაროს რაიონულ ორგანიზაციას და მის მზრუნველ ლიდერს, მაცვალა მაქლარაშვილს. კონფერენცია ჩატარდა საქმიანი მსჯელობით და 2 წლიანი საქმიანობის საკმაოდ საინტერესო ანგარიშით. დიდი მადლობა საგანმანათლებლო რესურსცენტრის უფროსს, საპატრიარქოს სკოლის დირექტორს, ჩვენს აქტივს - მასწავლებლებს და კონფერენციის ყველა დელეგატს!“ - აღნიშნავს პროფკავშირის პრეზიდენტი მაია კობახიძე.

შეხვედრის დასასრულს კიდევ ერთხელ არჩეულმა თავმჯდომარემ „მირაქს“ ემოციები გაუზიარა.

მაცვალა მაქლარაშვილი: „2008 წლიდან ვარ პროფკავშირის რაიონული ორგანიზაციის თავმჯდომარე. ცოტა

ხანს წყვეტა მქონდა, მაგრამ მერე ისევ გაავარძელე. ძალიან კმაყოფილი ვარ არჩევნებით და ამ კონფერენციით. მეოთხედ გამოცხადებული მხარდაჭერა ჩემთვის იმას ნიშნავს, რომ ეს არის გამართლება, რადგან მე შეეძელი, ნდობა და პატივისცემა დავიმსახურე. მოვახერხე პედაგოგებთან კარგი კავშირები და ურთიერთობა მქონდა, რის გამოც კიდევ ერთხელ მივიღე მხარდაჭერა. მართლაც, დიდი მუხტი იყო შეხვედრაზე. ჯამში დედაფლისწყაროში 533 წევრი გვყავს, რომელთაგან 53 დელეგატი ესწრებოდა. არჩევნების გარდა საანგარიშო შეხვედრაც იყო და ყველას გავუზიარე 4 წლიანი მუშაობის ანგარიში. ვფიქრობ, წინა ვადაში ბევრი გავაკეთე პედაგოგთა პროფესიული ზრდის თვალსაზრისით და არაერთი ტრენინგი ჩატარდა პროფკავშირის დაფინანსებით. ზოგიერთმა მასწავლებელმა რამდენჯერმეც კი ისარგებლა

ამ შესაძლებლობით. პანდემიის რთული პერიოდი დამთხვა, მაგრამ ჩვენ არ გავერებულვართ, მუდმივად პედაგოგებზე ვზრუნავდით. ყველა სკოლას, ვისაც ჩვენთვის მოუმართავს, ვეხმარებით ექსპურსიების თანადაფინანსებაში. გარდა ამისა, პროფკავშირის რაიონული ორგანიზაციის სახელით სხვადასხვა დელეგაციებზე სიმბოლურად მივიღე სამასსოფრო საჩუქრებს გავცემთ ხოლმე. ძირითადად უფრო პროფესიულ ზრდაზე ვახდენთ ფინანსების გამოყოფას. აუიოტაჟი იყო ახლახან მასწავლებელთათვის ხელფასების მატების დროს. დათვლის ახალი სისტემის ამოქმედების დროს პედაგოგთა ნაწილს პირიქით შემოეცინა ანაზღაურება, რაზეც პროფკავშირმა სამინისტროს რეკომენდაციით მიმართა. სამინისტრომ ეს გაითვალისწინა და 200 ლარით ყველას გაეზარდა ანაზღაურება.



გასულ 4 წელში დედაფლისწყაროს არცერთ სკოლაში არ დაგვიფიქსირებია მასწავლებელთა უფლებების შელახვის, ან უკანონოდ გათავისუფლების ფაქტები. რამდენიმე შემთხვევა იყო, როცა საათების უსამართლო

განაწილების საკითხზე ჩიოდნენ პედაგოგები და ჩემი მედიატორობით, ორივე მხარე შეთანხმებამდე მივიდა და ვითარება დამშვიდდა. ამას გარდა, ყოველთვის კომისიის წევრი ვარ, როცა სკოლაში ვაკანსია ცხადდება და პედაგოგს ეძებენ. ხშირად არის უნდობლობა ამ პროცესის მიმართ და ხშირად წერენ ხოლმე, რომ ეს ვაკანსიები ფორმალურად ცხადდება და რეალური დასაქმების შესაძლებლობას არ იძლევა. ვერ გეტყვით სხვა რაიონებში რა ხდება, მაგრამ ამ კუთხით დედაფლისწყაროში ნამდვილად თავისუფლებაა და არ არის ასეთი გარემო.

ახლახან, ოზაანის სკოლაში იყო ერთი შემთხვევა. სამოქალაქო განათლების საგანზე, რომელიც 3 საგაკვეთილო საათს მოიცავს, ვაკანსია გამოცხადდა. თბილისიდან პროფესორი დარეგისტრირდა და კიდევ ადგილობრივი ახალგაზრდა ბიჭი. კომისია მსჯელობდა, რომელი აყვანათ ვაკანტიურ ადგილზე. კომპეტენციის გათვალისწინებით ცხადია პროფესორი უნდა აყვანათ. მაგრამ, ჩემი რეკომენდაცია იყო, რომ ადგილობრივი კადრის დასაქმებისთვის შეგვეწყო ხელი. ასე იმიტომ მოვიქცევი, რომ ოზაანში მიგრაციის და ახალგაზრდა ოჯახების დეფიციტია. თბილისელ პროფესორს მეტი კომპეტენცია აქვს, მაგრამ შესაძლოა ვერ მოეხერხებინა დედაქალაქიდან სკოლაში სტაბილური სიარული. ადგილობრივი ახალგაზრდის დასაქმებით კი, ის სოფელში დარჩებოდა, ოჯახს მოეკიდებოდა, წინთან ექნებოდა კავშირი და სოფელს გააძლიერებდა. საბოლოო ჯამში, ადგილობრივი დასაქმდა და მიხარია, რომ ეს გაითვალისწინეს“.

ილია მარტყოფიშვილი

სოხუმის დაცემა – ტრაგედია, რომლის მონაწილე და თვითმხილველიც ხარ...

დღეს 27 სექტემბერია - ჩემი თაობის ერთ-ერთი ყველაზე დიდი ტრაგედია, რომელიც ორმაგდება, როდესაც ამ ტრაგედიის უშუალო მონაწილე და თვითმხილველი იყავი და დიდი ვერაფერი შეძელი ჩვენი სამშობლოსთვის ამ ყველაფრის თავიდან ასარიდებლად...

ქართული ქალაქის - სოხუმის დაცემა 1993 წლის 27 სექტემბერს, სამხუზაროდ, უკვე არაპირველი იყო, მანამდე ქართველებმა კონტროლი დაკარგეს ჯერ ცხინვალზე, შემდეგ კი, უშუალოდ აფხაზეთის ომის დროს - გაგრზე...

სოხუმის დაცემას რამდენიმე დღეში აფხაზეთიდან ქართველების თითქმის სრული, ძალისმიერი გამოდევნა მოჰყვა, ხოლო კოდორის ხეობაში, რომელიც ჩვენი რჩებოდა, იგივე საშინელება უკვე 15 წლის შემდეგ, 2008 წლის აგვისტოში დატრიალდა...

1993 წლის 27 სექტემბერი, სოხუმი, მინისტრთა საბჭოს შენობა...

რა დასამალოა და, 1993 წლის 16 სექტემბერიდან (როდესაც აფხაზმა სეპარატისტებმა, რუსი სამხედროების ხელშეწყობით, დაარღვიეს 27 ივლისის სამშვიდობო ხელშეკრულება ცეცხლის შეწყვეტის შესახებ და შეტევებზე გადმოვიდნენ) თვის ბოლომდე, ვიდრე ქართული სამხედრო დანაყოფები ჯერ კიდევ იბრძოდნენ, ჯერ სოხუმის შესანარჩუნებლად, შემდეგ - ოჩამჩირესთან, მეომრების საბრძოლო სულისკვეთება განსხვავებული იყო...

თბილისიდან, კახეთიდან თუ იმერეთიდან ჩასულ ბიჭებს შეიძლება არაფერი დაუკლიათ, მა-

გრამ გული მაინც სახლში უწევდათ, მით უმეტეს მას შემდეგ, რაც ალყაში აღმოჩენის რეალური საფრთხე გაჩნდა...

ჩვენგან განსხვავებით, ადგილობრივი მებრძოლები ორ ცეცხლშუა აღმოჩნდნენ - თან ოჯახები სამშვიდობოს უნდა გაეყვანათ, თანაც ბრძოლის ველს დაბრუნებოდნენ - ისინი ჩვენზე, დასახმარებლად ჩასულეზზე, ბევრად მეტს კარგავდნენ - მამა-პაპისეულ სახლებს, ნლობით მიძიმე შრომით დაგროვებულ ქონებას და წინაპრების საფლავებს...

მდინარე გუმისთის მარჯვენა სანაპიროდან მოწინააღმდეგის თვალით დანახული სოხუმი, რომელსაც ჯერ კიდევ ჩვენ ვაკონტროლებდით...

იქ, სადაც ბუნებრივად პირობებმა ხელი შეუწყო, კოდორელებმა 15 წელი შეინარჩუნეს თავისი ხეობა, ვიდრე 2006 წელს, აგვისტოს ომამდე ორი წლით ადრე, საქართველოს მამინდელმა ხელისუფლებამ, ფაქტობრივად, სამხედრო ოპერაცია არ ჩაატარა ადგილობრივი დაჯგუფების განსაიარალებლად - ამ დაჯგუფების მეთაურობა მართლაც არ ემორჩილებოდა ოფიციალურ თბილისს, მაგრამ შეიძლება სხვა გზების მონახვა, რომ ადგილობრივი შეიარაღებული რაზმები საქართველოს რომელიმე ოფიციალურ სტრუქტურაში მოქცეულიყვნენ და გაეგრძელებინათ თავიანთი მშობლიური კოდორის ხეობის დაცვა, რასაც ისინი მანამდე წარმატებით უძღვებოდნენ - შედეგად, 2008 წლის აგვისტოში კოდორის ხეობა მაშინდელმა საქართველოს ხელისუფლებამ, ფაქტობრივად, უბრძოლველად ჩააბარა მოწინააღმდეგეს, მიუხედავად იმისა, რომ ხეობაში შე-

ტანილი იყო საბრძოლო მასალისა და საწვავის დიდი მარაგი და ხეობის მთაგორიანი რელიეფიც იძლეოდა წარმატებული თავდაცვითი ბრძოლების წარმოების საშუალებას...

კოდორის ხეობის ჩაბარების პარალელურად, ასევე, თითქმის უბრძოლველად იქნა დატოვებული დიდი ლიახვის ათი ქართული სოფელი, რომლებიც მანამდე სეპარატისტული ცხინვალისკენ მიმავალ მთავარ გზას აკონტროლებდნენ - ამ შემთხვევაშიც, ადგილობრივ მოსახლეობაზე არ გაკეთდა აქცენტი მშობლიური მხარის დაცვის ორგანიზებაში ჩასართავად, ხოლო თბილისიდან გაგზავნილმა საპოლიციო ძალებმა ისე დატოვეს დიდი ლიახვის ხეობა, რომ ადგილობრივები არც კი გააფრთხილეს...

სწორედ ეს ფაქტორი, რომ მართალია, ერთი ქვეყნის, მაგრამ სხვა კუთხიდან დასახმარებლად ჩასული მებრძოლი ისეთი გულთ ვერ დაიცავს სოფელსა თუ ქალაქს, როგორც ადგილობრივი მაცხოვრებელი, ახლა უკვე უკრაინის მიწაზე მეორდება, ოღონდ ხშირ შემთხვევაში, საპირისპირო მიმართულებითაც - საქმე ის არის, რომ აღმოსავლეთ ფრონტი დონეცკისა და ლუგანსკის ოლქებზე გადის, სწორედ იქ, სადაც საბჭოთა პერიოდში (და მანამდეც) რუსეთის სხვა რეგიონებიდან ასახლებდნენ ადამიანებს, მათ შორის - ყოფილ მსჯავრდებულებსაც და, შესაბამისად, უკრაინული პატრიოტული სული ქვეყნის აღმოსავლეთ ნაწილში ყოველთვის ბევრად ნაკლები იყო, ვიდრე - უკრაინის დასავლეთ ნაწილში...

ირაკლი ალადაშვილი

27 სექტემბერი

(პარალელური გრიორიუსი)

...დიდი ხნის წინათ, ოთხმოციან წლების ბოლოს საბჭოეთის მწერალთა დიდ სიმპოზიუმზე მეც მიმინვიეს, - ავტორი კაპიტალისტური სამყაროდან, - ბიჭვინთაში ვცხოვრობდი და აფხაზეთიდან ბევრი ჭრელი მოგონება წამოვიყოლე: მაგალითად სოხუმის ცენტრში შეკრებილი ხალხის მასა დროშებით ხელში, თანხმობებით საყვარელი შეძახილებით ჩამრჩა სსოვნაში უცნაურად, ვერ გავიაზრე რა ხდებოდა, მაგრამ მერე, როცა თქვენთან ომმა იფეთქა, გამახსენდა ეს კადრები და თანხმობები... რა ლამაზი მხარე იყო აფხაზეთი, განსაკუთრებით სანაპირო სოხუმის ცენტრში პალმებზე ჩამოკიდებული მზეებით...
- მიყვება მშვიდად კოლნელი პოეტი კაცი რომელიც მხოლოდ ერთხელ იყო კავკასიაში. მიყვება მშვიდად. გერმანული ძველი სულიდან ალაგებს ამბებს უცეცხლოდ და უემოციოდ... ფესტივალზე ვართ. გოტინგენის ლიტფესტივალზე. სექტემბერია. მზე ანათებს. ერთად ვსადილობთ ძველი რესტორნის ტერასაზე. გრძელ ტერასაზე. ვუკვითავთ სალაოს ქათმის ხორცი და ნითელ ლვინოს, მშრალს და გემრიელს, იტალიურს, მზეებით სავსეს. ალბათ ამ ლვინის ბრალია რომ მის მოგონებებს, მის ძველ საბჭოურ მოგონებებს მზე ახვევია...
მე კი აბა რა ვუპასუხო: - მართლა? - ვიოცებ, და ენის წვერზე მადგას, რომ დღეს 27 სექტემბერია, რომ დღეს ჩვენი დამარცხების სექტემბერია, მაგრამ არ მიყვარს საუბარი დამარცხებებზე და ველაპავ სიტყვას, ენის წვერზე უიღბლოდ მომდგარს. მაგრამ ეს რიცხვი, - 27 ჩამდის ფილტვებში, მიდნება ცხელი ტყეისასავით და დაუნდობლად აღვიძებს ჩემში 27 წლის წინანდელ ხველას, რომელიც უნივერსიტეტის ბაღში, პეტრე მელიქიძის ძეგლთან აგვივარდა მე და ჩემს კურსელებს, როცა გავიგეთ რომ სოხუმი დაეცა!
ჩვენ გვეცვა იმ დღეს დახული ჯინსები, (იმ დროს მეტი არაფერი იშოვებოდა), ვიყავით შემოდგომისფრად ლამაზები და სევდიანები და ვაზივით ვეხვეოდით ერთმანეთს, და ვაზივით ვტიროდით რომ ვერ გადავარჩინეთ აფხაზეთი, რომ აფხაზეთი ახალგაზრდულად გულუბრყვილო ხელებში ჩაგვაკვდა!

ირაპიოლოპილი

ოპერაში სოხომი „აბესალომ და ეთერი“ გაიხსნა

21 სექტემბერს თბილისის ზ.ფალიაშვილის სახელობის ოპერისა და ბალეტის სახელმწიფო თეატრში 173-ე სეზონი გაიხსნა ზაქარია ფალიაშვილის ოპერით „აბესალომ და ეთერი“.

დამსწრე საზოგადოებას სეზონის გახსნა მიულოცა სამხატვრო ხელმძღვანელმა ბადრი მისურაძემ და აღნიშნა,

განისთვის დიდი მეგობარი და მასწავლებელი.

სპექტაკლის დამდგმელი დირიჟორი გახლდათ ზაზა აზმაიფარაშვილი, რომელიც ამავე სპექტაკლს დირიჟორობდა და მსმენელის ხანგრძლივი ოვაცია დაიმსახურა. დამდგმელი რეჟისორი - გიზო ფორდანიას, სცენოგრაფია, კოსტიუმები, განათება ეკუთვნოდა გიორგი

- სულხან გველესიანი, ნანანა ძიძიგური, თანდარუხი - თამაზ სანიგაძე, სტუმარი-გია მახარაძე, მსახურთუხუცესი-აკაკი გუგუშვილი, სპექტაკლის წამყვანი რეჟისორი - მარინა ბურჭულაძე. წარმოდგენამ სრული ანშლაგით ჩაიარა.

სპექტაკლის დასასრულს მაცურებელი ხანგრძლივი აპლოდისმენტებით ავილოდოვებდა წამყვანი პარტიების შემსრულებელ სოლისტებს, საბალეტო დასის და ქართული ნაციონალური ბალეტის „სუხიშვილების“ მოცეკვავეებს.

თეატრის 173-ე სეზონის გახსნას ესწრებოდა გიზო ფორდანიას მუღლესი, ისტორიის მეცნიერებათა დოქტორი, პროფესორი ნათელა ვაჩნაძე და მაცვალა ასპანდიის დედა ქალბატონი ნაირა ნაჩხატაშვილი მგალობელი, რეგენტი და სოლისტი.

კომედიანტი ვთხოვე მუსიკოსს, ხელოვნებათმცოდნეს, ქართულ-ამერიკული სკოლის პედაგოგს ია ხურცილავას: „მაცვალა ასპანდიე და არმაზ დარაშვილი განუსაზღვრელი შესაძლებლობების მომღერლები არიან, ყოველთვის მისწავს მათი გამორჩეული ხმის ტემბრი, გაოცებას იწვევს თითოეულის არტისტული მანერა, რითაც მაცურებლის უდიდეს სიყვარულს იმსახურებენა.“

ბარიკა პოპიაშვილი



რომ აბესალომ და ეთერის სპექტაკლი ეძღვნება, დამდგმელი რეჟისორის, გიზო ფორდანიას 90 წლისთავს, მა ვერცლად ისაუბრა გიზო ფორდანიას შემოქმედებაზე და დასძინა, რომ „სანამ მე, ამ თეატრის ხელმძღვანელი ვიქნები, ყოველთვის სეზონი „აბესალომ და ეთერი“ გაიხსნება“, შემდეგ სიტყვა გადასცა ოპერის სოლისტს ელდარ გენაძეს: გიზო ფორდანიას არა მხოლოდ დიდი რეჟისორი გახლდათ, არამედ თითოეული ჩვენი

ალექსი - მესხიშვილს. ყოველთვის მეუფარებელი იყო თეატრის ორკესტრი, გუნდი, საბალეტო დასი და ქართული ნაციონალური ბალეტი „სუხიშვილები“. წამყვან პარტიებს მღეროდნენ: აბესალომი-გამორჩეული ტენორი არმაზ დარაშვილი, ეთერი- ულამაზესი, ბრწყინვალე სოპრანო მაცვალა ასპანდიე, აბიო მეფე- გოჩა დათუსანი, ნათელა- ირინა ალექსიძე, მარიხი - მარიკა მაჩიტაძე, მურმანი

ორ წლამდე გოგონა გარდაიცვალა



ციონარში შეყვანისას გოგონა უკვე გარდაცვლილი იყო, თუმცა რეანიმაციული ღონისძიებები მაინც ჩაატარეს.

„ჩვენთან სალამოს საათებში,

უბედური შემთხვევა დედოფლისწყაროს მუნიციპალიტეტში. 24 სექტემბერს სოფელ გამარჯებაში ოთხშვილიან ოჯახში წლისა და 7 თვის ბავშვი დედამ გარდაცვლილი ნახა. ოჯახის ახლობლების განმარტებით, გოგონას ჯანმრთელობის პრობლემები არ ჰქონია, დააძინეს და ველარ გაიღვიძა. მას შემდეგ, რაც უგონოდ ნახეს, გოგონა ჯერ სოფლის ექიმთან წაიყვანეს, შემდეგ კი სასწრაფო დახმარება გამოიძახეს, თუმცა გადარჩენა ვერ მოხერხდა.

წინასწარი ინფორმაციით, სავარაუდოდ, ბავშვი საკვების გადაცდენის შედეგად ძილში ასფიქსიით გარდაიცვალა.

დედოფლისწყაროს საავადმყოფოს კლინიკური დირექტორი ხათუნა ზურიკაშვილი გაზეთ „შირაქს“ ეუბნება, რომ სტა-

უკვე გარდაცვლილი შემოვიდა, მაგრამ პროტოკოლის თანახმად, 45 წუთის განმავლობაში რეანიმაციული ღონისძიებები მაინც ჩაუტარდა. გარდაცვალების მიზეზი და დიაგნოზი არ ვიცით. ექსპერტიზა არ ჩატარებია, სტაციონარიდან მშობელმა ხელწერილით გაიყვანა. როგორც ვიცი, სასწრაფო ეკიპაჟის ადგილზე მისვლას აღარ დაულოდნენ და მამამ მანქანით თავად წამოიყვანა. მერე გადასვეს სასწრაფოში და ჩვენთან შემოიყვანეს“ - აღნიშნავს დედოფლისწყაროს მთავარი ექიმი.

შინაგან საქმეთა სამინისტროს პრესსამსახურში ვარაუდობენ, რომ პატარა უბედური შემთხვევის შედეგად გარდაიცვალა და ამის მიზეზი სავარაუდოდ ასფიქსია გახდა. შპრაპი

ნანა აფციური და მერაბ ფიროსმანაშვილი უღრმესი მწუხარებით ოუნყებიან პატარა **კისანეს** გარდაცვალებას და გულწრფელ სამძიმარს უცხადებენ მშობლებს - ლიკას და ილიკოს; ბებიას ლელა ნავროზაშვილს, ვასიკო, ნინო, ოთარ ფიროსმანაშვილებს და კახა კონჭოპოლის ოჯახს. დაიკრძალა 28 სექტემბერს, სოფელ გამარჯებაში.

აფხაზეთისადმი მიძღვნილი საღამო ბიზლიოთაჟი

დედოფლისწყაროელ ხელოვანს ილია მაისურაძეს მწერალთა კავშირის თავმჯდომარე მაცვალა გონაშვილმა თამარ მეფის ენდამა და ჯვარი გადასცა. მაისურაძე ნაყოფიერი საზოგადოებრივი საქმიანობისა და ხელოვნებაში შეტანილი წვლილისთვის დააჯილდოვეს. გასულ კვირას ეროვნული ბიბლიოთეკის დარბაზში აფხაზეთისადმი მიძღვნილი საღამო გაიმართა. ამავე დღეს გამოიფინა ილია მაისურაძის ნაქარგებიც. ხელოვანი აფხაზეთიდანაა, გუდაუთაში დაიბადა და გაიზარდა, შემდეგ კი ოჯახი დედოფლისწყაროში შექმნა და მას შე-


მდეგ აქ ცხოვრობს და მოღვაწეობს. ქარგვა ბოლო წლებში დაიწყო და ისეთი სტიმული მიეცა, გაჩერებას აღარ აპირებს. ერთ გამოფენას მეორე მოჰყვება, მეორეს მესამე და მის მიმართ ინტერესი მუდმივად იზრდება.

ილია მაისურაძე: „ცნობილია, რომ დედოფლისწყაროში საქართველოს სადღეგრძელო შავი ზღვიდან, შავ მთა-მდე ისმება და ასე გამოვხატე ჩემი ტკივილი. გა-

მთის მონასტერი. დამაჯილდოვეს როგორც ფერმწერი დიპლომით და თამარის ოქროს ჯვრით. ემოცია - სულ ვკანკალებდი. ძნელია გამოსცე ეს სიხარული, როდესაც საზოგადოება გიღებებს და



გუდაუთის სახლი



ელის მთა

მოფენაზე გატანილი მქონდა ნამუშევრები როგორც გუდაუთაში მდებარე ჩემი ზღვისპირა სახლი, ისე დედოფლისწყაროს ელიას

განიზატორებმა, კიდევ ერთხელ გაიხსენეს 1992-93 წლებში, აფხაზეთში განვითარებული ტრაგიკული დღეები, პატივი მიაგეს ქვეყნის ტერიტორიული

მოსწონს ის, რასაც შენ სიყვარულით აკეთებ. მადლობა ყველას!

ლონისძიების მონაწილეობა და ორგანიზატორებმა, კიდევ ერთხელ გაიხსენეს 1992-93 წლებში, აფხაზეთში განვითარებული ტრაგიკული დღეები, პატივი მიაგეს ქვეყნის ტერიტორიული

მთლიანობისათვის დაღუპული მეომრებისა და მშვიდობიანი მოსახლეობის სსონას და აფხაზეთში მშვიდობიანი გზებით დაბრუნების იმედი გამოთქვეს. „ბევრი სახელი შეიძლება უნოდო ამ ღონისძიებას. აფხაზეთის მონატრება, დაბრუნების იმედი, სექტემბრის თვე განსაკუთრებით მძიმეა დევნილებისთვის, მაგრამ მინდა, სექტემბერი იმედის თვედ იქცეს. ამიტომაც შედგა ეს საღამო. იყო მოგონებები, ნოსტალგია და ერთმანეთის მოფერება“ — აღნიშნა მაცვალა გონაშვილმა.

ილია მარტყოფლიშვილი

სახალხო დღესასწაული „დედოფლისწყარო“ აღინიშნა

/დასაწყისი პირველი გვერდიდან/ კულტურის საქმეში შეტანილი განსაკუთრებული წვლილისთვის;

ილია დის ნიკოლაუსს - საბერძნეთის ეროვნული ნაკრების მწვრთნელს ჭიდაობაში, სპორტის განვითარების საქმეში შეტანილი განსაკუთრებული წვლილისთვის;

საღამოზე მადლობა გადაუხადეს დედოფლისწყაროს ფრენბურთის ნაკრების ახალგაზრდა წევრებს, რომელთაც რამდენიმე მნიშვნელოვან ტურნირზე წარმატებით იასპარეზეს.

ლონისძიების ბოლო აკორდი იყო ორგზის ოლიმპიური ჩემპიონის, **ლაშა ბაქაშვილის** ვარსკვლავის გახსნა. მისმა სტუმრობამ სახალხო დღესასწაულზე ბავშვების საყოველთაო სიხარული გამოიწვია. მთელი საღამოს მანძილზე არ



წყდებოდა ლაშასთან ფოტოების გადაღებისა თუ მისი ავტოგრაფის მიღების მსურველთა გრძელი რიგი. ვარსკვლავის

გახსნამდე დედოფლისწყაროს მერიისა და საკრებულოს გადაწყვეტილებით, ორგზის ოლიმპიურ ჩემპიონს 50 000,

ხოლო მის მწვრთნელს კახა ნიკლაურს 10 000 ლარიანი ფულადი ჯილდო გადასცეს.

„დედოფლისწყარობას“ რეგიონული განვითარებისა და ინფრასტრუქტურის მინისტრის პირველი მოადგილე, ილია ბეგიაშვილი, კახეთის მხარეში სახელმწიფო რწმუნებული, გიორგი ალადაშვილი, პარლამენტის წევრი, დავით სონღულაშვილი, ნეკრესის, ხორნაბუჯისა და შერეთის ეპარქიების დროებითი მმართველი, მიტროპოლიტი თეოდორე ჭუაძე და ადგილობრივი ხელისუფლების ხელმძღვანელი პირები ესწრებოდნენ.

ლონისძიება ჯგუფ „გუფი ლენდის“ კონცერტით და ფოიერვერკით დასრულდა.

ინგა შიოლაშვილი



ფრენბურთის ნაკრები

ულოცავთ!
ჯინები ხაზიაშვილს!

ჩვენო უძვირფასესო მეგობარო, გილოცავთ წარმატებული და სახელოვანი ერთადერთი შვილის **ნათუნა აბლაძის** ღირსეულ აღიარებას — დედოფლისწყაროს საპატიო მოქალაქის წოდების მინიჭებას! ასევე, დიდი სიყვარულით და პატივისცემით გილოცავთ აგრეთვე, საამაყო შვილიშვილის **ბიორბი აბლაძის** გაბედნიერებას.

საუკეთესო სურვილებით
ნანა ჭიჭინაძე და ნანა პოპიაშვილი.

იყიდება დედოფლისწყაროში კერძო ავტოსადგილი 170 მეტრკვადრატით, ბელეტაჟზე. მეტალოკრამიტის გადახურვით, მეტალოპლასტიკის ფანჯრებით. სამზარეულო, აბაზანა-ტუალეტი შიგნით და კაფელ-მეტლახით გაკეთებული, ჭერზე „გიფსოკარდონებით“, გათბობით, ცივი და ცხელი წყლით. ყველაფერი ახალი გარემონტებული. ეზო 800 მეტრკვადრატით ხეხილით, რკინის კარი.

ფასი 34 700\$ ტელ: 595 32 47 61

დედოფლისწყაროს კალისმიერი სამაგიდის და საბრძოლო ხელოვნების ფედერაციის დარბაზში არსებულ ყველა სპორტულ დისციპლინასთან ერთად (სამაგიდი, ძალისმიერი, კლასიკური ორჭიდი, კლასიკური ნოლჭიმი) პარალელურად **6-12 წლამდე გავრცელების ახალი სპეციალიზაცია** გახსნა. სივრცეში არის ტატამი, ბოქსის და კიკბოქსინგის „გრუნები“, რომლებიც გამოყოფილი იქნება ბავშვთა თავისუფალი ვარჯიშებისთვის (ჭიდაობის ილიები, ხელის და ფეხის ლაპებზე მუშაობა, გრუნებზე დარტყმები) სამოყვარულო დონეზე, როგორც ბიჭებისთვის, ისე გოგონებისთვის. ეს სექტორი ბავშვთა გავანასაღებს და სპორტულ განვითარებას მოემსახურება. სექტორის ამოქმედება მიზნად ისახავს ბავშვებში სპორტული ორიენტაციის ჩამოყალიბებას, თუ რომელი სპორტის სახეობა აირჩიონ მომავალში.

მისამართი: **ქ. დედოფლისწყარო, ჰერათის №82**, ყოფილი საჯარო რეესტრის კორპუსში, I სართულზე. ☎ 577 19 13 71; 558 61 14 06

ამინდი		დედოფლისწყარო		ოთხშაბათი		ხუთშაბათი		პარასკევი		შაბათი		კვირა	
ორშაბათი 30.09	სამშაბათი 01.10	ორშაბათი 02.10	ხუთშაბათი 03.10	პარასკევი 04.10	შაბათი 05.10	კვირა 06.10							
დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე	დღე	ღამე
☀	☾	☀	☾	☀	☾	☀	☾	☀	☾	☀	☾	☀	☾
19°	7°	19°	10°	19°	10°	21°	11°	20°	10°	20°	11°	20°	10°

გამომცემელი შპს „შირაქი“
დირექტორი **ინგა შიოლაშვილი**
რედაქტორი **ილია მარტყოფლიშვილი**

სარედაქციო კოლეგია: შუშუნა ყანაშვილი, ელზა ხარაშვილი (ჟურნალისტიკა); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზია ქანაძე (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შპს „გამომცემლობა სამშობლოს“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.
გაზეთის გამოწერა წელიწადში – 20 ლარი

წერილში მოყვანილ ფაქტებსა და ციფრებზე პასუხს ავტორი.